

趙城縣廣勝寺



大悲經卷第一

高齊天竺三藏鳩摩提耶舍譯

梵天品第一

如是我聞一時佛在拘尸那城力士
 生地娑羅雙樹間爾時世尊臨般涅
 胝告慧命阿難言汝可於娑羅雙樹
 間安置敷具如師子右脇卧法吾
 今後夜當般涅胝阿難我已究竟涅
 胝斷除一切有為言說我已作佛事
 已說甘露無有窟宅寂滅定甚深微
 妙難見難覺難可測量明智所知諸
 賢聖法我已三轉无上法輪若有沙
 門婆羅門若天若魔若梵若人以世
 共法無能轉者我已擊法鼓吹法齋
 建法幢置法船作法橋降法雨我已
 光照三千大千世界滅除大闇開示
 衆生解脫正道充益天人所應度者
 皆悉已度我已降伏一切外道及諸
 異論動魔官殿摧魔勢力大師子吼
 作諸佛事建丈夫業滿本誓願護持
 法眼教大聲聞授菩薩記為於未來
 佛眼不斷故阿難我今於後更无所

作唯般涅胝

尔時阿難聞是語已為憂前所射極
 大愁惱悲泣流淚白佛言世尊婆伽
 婆涅胝太速修伽陀涅胝太速世間
 眼滅世間孤獨世間无救無有導師
 尔時佛告慧命阿難止莫憂悲阿難
 生法有法有為法壞法若不滅者無
 有是處我昔告汝一切所愛稱意等
 事必有離散阿難汝已慈心不二心
 無惡心及與身業孝養隨順而无限
 量侍養於我阿難若復天人阿修羅
 等給侍供養聲聞緣覺若減一切若
 滿一切若復給侍供養如來於一念
 須其福多彼汝已供養大神通佛乃
 至般涅胝當得大福廣大功德猶如
 甘露第一甘露蜜後甘露究竟涅胝
 是故阿難汝莫憂悲
 尔時阿難憂悲投淚即為如來於雙
 樹間猶如師子右脇卧法安置敷具
 即時三千大千世界所有樹木藥草
 叢林皆向如來涅胝方所有欲倒者
 有偃僕者有欲至地者有躄地者於
 此三千大千世界所有衆流大河小

河泉池陂湖佛神力故止不流動三千大千世界所有禽獸佛神力故默然而住不鳴不食三千大千世界所有日月星宿火光明珠乃至炎火佛神力故皆不顯現无有光明不能照曜三千大千世界所有猛火佛神力故皆悉止息不燃不熱不能燒炙三千大千世界所有一切地獄猛火佛神力故皆悉清涼彼諸地獄所有衆生於剎那頃佛神力故皆得安樂三千大千世界所有畜生一切皆起慈心慈心不相瞋惱加害斷命一切餓鬼皆不飢渴一切衆生佛神力故身心踊悅離苦得樂具足稱意第一安樂當於世尊右脇卧時三千大千世界於中所有須弥山王鐵圍山大鐵圍山目真隣陀山香山雪山及諸黑山大地大海一切皆悉六種震動所謂動踊起震乳覺三千大千世界一切風輪皆不鼓動一切衆生於剎那頃捨諸作業得荷而住離於睡眠心無散亂欲作皆息默然無聲三千大千世界所有天龍夜叉乾闥婆阿修羅

迦樓羅緊那羅摩睺羅伽梵天釋天護世玉等佛神力故各見宮殿牀坐園林皆悉闇昧无復威光不生愛樂彼等眷屬憂煩不樂千世界主梵天玉三千大千世界主大梵天王高心自恃作如是念作如是解念此世界及諸衆生是我所作是我所化彼三千大千世界主大梵天王佛神力故見已宮殿及牀坐等闇昧無光不生愛樂魔醯首羅淨居天等亦復如是余時三千大千世界主大梵天王作如是念是誰力故而現此相令我不得樂宮殿牀坐是時大梵天王遍觀於此三千大千世界中造作富貴六自在主如來應供正遍知今日後夜當般涅槃是故現此神力變化不可思議未曾有事此之神力正是如來入涅槃相時大梵王作是念已憂愁不樂戰慄毛豎極疾恚恚衆圍遶共詣佛所其三千大千世界諸餘梵天皆悉已曾信受聖法安住聖法

爾時三千大千世界主大梵天王到佛所已頭面作禮而白佛言唯願世尊教勅於我云何而住云何修行作是語已如來即問大梵王言梵天汝今實作如是念言我是大梵天我能勝他他不如我我是智者我是三千大千世界中大自在主我造作衆生化作衆生我造作世界化作世界不大梵天言如是婆伽婆如是修伽陀佛言梵天汝復為誰所作為誰所化時彼梵天默然而住佛見梵天默然住故而復問言梵天有時三千大千世界為劫火焚燒炎熾洞燃於意云何是汝所作是汝所化耶時大梵天而白佛言不也世尊佛言梵天如此大地依水聚住水依風住風依虛空如是大地厚六百八十万由旬不裂不散梵天於意云何是汝所作是汝所化耶梵天言不也世尊佛言梵天時梵天於意云何是汝所化耶梵天言不也世尊佛言梵天於意云何是汝所作是汝所化是汝所加耶梵天言不也世尊佛言梵天如是春

秋冬夏時節於意云何是汝所作是
 汝所作是汝所加耶梵天言不也世尊
 佛言梵天如是水鏡酥油摩尼頗梨
 及餘淨器現諸色像所謂大地山河
 樹林園苑官殿舍宅聚落城邑駝驢
 為馬麀鹿鳥獸日月星宿聲聞緣覺
 菩薩如來釋梵護世人非人等種種
 色像梵天於意云何是汝所作是汝
 所作是汝所加耶梵天言不也世尊
 佛言梵天如是山崖深谷大小諸鼓
 歌憐等戲麀鹿鳥獸人非人等所出
 音聲梵天於意云何是汝所作是汝
 所作是汝所加耶梵天言不也世尊
 佛言梵天如諸衆生於其夢中見種
 種色聞種種聲嗅種種香嘗種種味
 覺種種觸知種種法作種種戲種種
 啼哭呻嗥怖畏苦樂等受梵天於意
 云何是汝所作是汝所化是汝所加
 耶梵天言不也世尊佛言梵天如四
 姓人端正醜陋貧富巨富福德多少
 善戒惡戒善慧惡慧梵天於意云何
 是汝所作是汝所化是汝所加耶梵
 天言不也世尊佛言梵天一切衆生

所有怖畏苦切惱害所謂水火刀風
 崖岸毒藥惡獸怨讎人非人畏及以
 種種加害於他常有怖畏梵天於意
 云何是汝所作是汝所化是汝所加
 耶梵天言不也世尊佛言梵天衆生
 所有種種疾病所謂風冷熱病及諸
 雜病時節代謝四大相違若他所作
 若先業報所謂眼耳鼻舌身病若復
 衆生種種心意熱惱等苦梵天於意
 云何是汝所作是汝所化是汝所加
 耶梵天言不也世尊佛言梵天衆生
 所有曠野嶮賊水災等難或復中劫
 刀兵疫癘及以飢饉梵天於意云何
 是汝所作是汝所化是汝所加耶梵
 天言不也世尊佛言梵天衆生所有
 愛別離苦所謂父母兄弟姊妹宗親
 等友離別之苦梵天於意云何是汝
 所作是汝所化是汝所加耶梵天言
 不也世尊佛言梵天衆生所作種種
 惡業所謂販賣生口酒麴紫礦押油
 之具若入大海曠野嶮處遊行諸方
 若諸仙方術及餘種種斷事之法梵
 天於意云何是汝所作是汝所化是

汝所加耶梵天言不也世尊佛言梵
 天衆生所作種種業道以是業因受
 於地獄畜生餓鬼人天之報衆生所
 有若身口意善行惡行及世間所有
 十惡業道於諸衆生都无慈愍作諸
 苦惱不利益事墮惡道因緣所謂殺
 生偷盜邪婬妄語兩舌惡口綺語貪
 瞋邪見梵天於意云何是汝所作是
 汝所化是汝所加耶梵天言不也世
 尊佛言梵天衆生所有種種苦事所
 謂斬首截手足刑剝耳鼻節斷支
 解熱油所灌火炙熬煮刀劍鋒稍斫
 刺鞭打繫閉牢獄聞諍言訟梵天於
 意云何是汝所作是汝所化是汝所
 加耶梵天言不也世尊佛言梵天衆
 生所作姦欲邪行或婦女姊妹淨
 持戒者及餘惡業梵天於意云何是
 汝所作是汝所化是汝所加耶梵天
 言不也世尊佛言梵天衆生所有種
 種殺害厭蠱起屍呪術方藥鬼魅所
 著及餘種種惡業方便斷命因緣梵
 天於意云何是汝所作是汝所化是
 汝所加耶梵天言不也世尊佛言梵

天世間所有生老病死憂悲苦惱無常法盡法變易法於四姓人无所忌難能令一切所愛無厭種種之物敗壞離散梵天於意云何是汝所作是汝所作是汝所作加耶梵天言不也世尊佛言梵天衆生所有貪瞋癡障結使纏縛及餘種種苦惱所縛以是因緣令諸衆生墜著瞋怒迷惑心故造作無量種種業行梵天於意云何是汝所作是汝所作是汝所作加耶梵天言不也世尊佛言梵天所有三惡趣地獄畜生餓鬼其處衆生為種種事受諸苦惱梵天於意云何是汝所作是汝所作是汝所作加耶梵天言不也世尊佛言梵天一切所有若種子生无種子生樹木藥草若水陸生華果香樹種種勝味甘苦鹹辛酸澁之味隨諸衆生所喜不喜作損益者梵天於意云何是汝所作是汝所作是汝所作加耶梵天言不也世尊佛言梵天五道流轉生死成壞所有衆生無明作蓋與愛結相應馳走流轉始終難知及未來生死流轉不斷其愛入天

若魔若梵沙門婆羅門此等世間如亂絲纏縛常馳流轉彼此往來此諸衆生於流轉中不知求出梵天於意云何是汝所作是汝所作是汝所作加耶梵天言不也世尊佛言梵天汝從何因作是念言此諸衆生是我所作是我所作是我所作加耶所有世界是我所作是我所作是我所作加耶梵天言世尊我以无智邪見未斷顛倒心故常於如來所說正法不聽受故我本曾作如是惡見如是惡說此諸衆生是我所作是我所作是我所作世界是我所作是我所作是我所作今還復問佛此義所有世界是誰所作是誰所作化一切衆生是誰所作是誰所作是誰所作是業所作是業所作一切衆生是業所作是業所作化業力所生何以故梵天无明緣行行緣識識緣名色名色緣六入六入緣觸觸緣受受緣愛愛緣取取緣有有緣生老死憂悲苦惱故有如是苦集梵天无明滅乃至憂悲苦惱滅更无作者使

作者安置者唯有業有法和合因緣故有衆生若能離此業法和合當知是人則能遠離生死流轉梵天如是世間業盡煩惱盡苦盡苦息如是出離是名得於寂定涅槃梵天於彼誰得涅槃若業是業盡若煩惱是煩惱離若苦是苦息如是等法以諸佛神力故諸佛所加故有何以故梵天若非諸佛出世顯說則不聞有如是等法梵天若諸佛世尊出與世時得有顯說如是寂定甚深難覺光明法門若諸衆生得聞生法從生得解脫得聞老病死憂悲苦惱法從彼老病死憂悲苦惱法而得解脫梵天是故諸佛現作是加梵天諸佛作是開示顯說所謂諸行猶如光影無常動轉不定不究竟盡法變易法假使諸佛滅度之後正法隱沒亦復如是示現所加所謂諸行猶如光影若佛不現一切諸行於剎那頃如光影者則不應說一切諸行猶如光影如夢如響梵天諸佛以知一切諸行猶如光影如夢如響無常動轉盡法變易法故說

言諸行猶如光影如響如響智者於彼觀其相已以其相以其攀緣因緣義故得知諸行无常動轉盡法變易法破壞離散時節代謝於刹那頃乃至日夜半月乃至一月一歲乃至百歲一劫乃至百劫一切盡壞有大火聚燃已還滅有大水聚流已還止有大猛風吹已還息世界大地有已還无有諸大山所謂鐵圍山大鐵圍山須弥山及諸黑山等有已還無日月星宿及諸眷屬有已還无不明不照而復墮落諸天宮殿有已還滅諸有王都城邑聚落樹林園池可樂之事生已還滅諸天人等生已還滅滅已復生諸有智者見其相已心生厭離以此諸行无常離壞變易盡故以平等信心捨家出家得知諸行猶如光影如響如響及見水中日月星宿等諸光影已以彼相以彼攀緣因緣義故得到善提有諸智士蒙佛教勅及善友教授或自思惟得知諸行猶如光影如響如響生於信心捨家出家或有得證須陀洹果斯陀含果阿那

含果阿羅漢果若大乘人或得初忍或得第二第三忍及能得到无上菩提假使諸佛滅度之後於世間中亦復如是說法流行若諸衆生得聞法已於三乘得度所謂聲聞辟支佛乘一切種智無上大乘梵天汝應當知此法次第亦是諸佛之所加也是故智者見其相已心生厭離能知諸行是无常苦動轉不定盡法變易法猶如光影如響如響梵天此等亦是諸佛境界諸佛所加有諸衆生已曾修行因成就者得聞如是正法聲已於如來所思念敬信一切諸行無常壞滅猶如光影如響如響有諸衆生於諸佛所曾修梵行者或有在家受禁戒者以是因緣解知如是一切諸行無常壞滅猶如光影如響如響知已生信捨家出家諸佛世尊雖未出世以有如是諸佛加故以諸佛所種善根故得到善提梵天應如是知此等皆是諸佛境界諸佛所加梵天此三千大千世界非梵刹土亦非外道六師刹土唯是我等諸佛刹土梵天我

皆於此无量百千億那由他阿僧祇劫修善行无量阿僧祇諸如來所種无量阿僧祇善根淨持禁戒修梵行及修無量百千億那由他難行苦行攝此佛土修治令淨如諸衆生所修善根隨其所堪而清淨者隨其時節應得度者我於長夜以四攝事攝此衆生所謂布施愛語利行同事彼等以我誓願力故生此佛土聞我說法即能信解不復歸信梵釋護世諸天王等梵天應如是知此是佛土非是梵釋護世刹土亦非外道六師刹土
今時娑婆世界主大梵天王及百千梵衆現憂愁相作如是言諸佛世尊通達希有勝妙之法是三千大千世界主大梵天王於如來所生希有心諸佛希有乃有無量不可思議無盡境界大梵天王即時歸依為佛弟子於世尊所請求教勅作如是言婆伽婆是我大師修伽陀是我大師唯願世尊教勅於我云何而住云何修行佛告梵天此三千大千世界是我佛

土我今以此付囑於汝汝當順我勿使直道善眼令有斷絕無上佛眼法眼僧眼令有斷絕莫作未後滅法人也梵天當有長子童真弥勒菩薩摩訶薩從佛口生從法化生大悲憐愍為欲利益一切衆生欲令得樂欲令安隱彼亦於此三千大千世界如法補處如我居此等无有異汝既現在隨順我教亦應順彼勿令如是真道法母佛眼法眼僧眼而有斷絕何以故梵天乃至如是法母不斷者隨其時節佛眼法眼僧眼得不斷絕釋梵天眼人眼解脫眼乃至涅槃眼得不斷絕梵天是故我今付囑於汝我此佛土三千大千世界梵天我已教勅汝應隨順莫作未後滅法人也尔時三千大千世界所有梵天大梵天彼等一切先於聖法已得正信彼三千大千世界主大梵天王即時於聖法中深得正信

大悲經商主品第二

尔時有魔子名曰商主已於佛所深得敬信聞佛涅槃心懷憂惱戰悚毛

豎速詣佛所到已頂禮退住一面而白佛言唯願世尊憐愍衆生安樂衆生救護世間憐愍利益諸天人故住世一劫莫入涅槃我亦憐愍諸天人故如是勸請世尊勿使衆生盲冥太速無有說者無導无救無依无趣尔時商主作是語已佛即告言商主汝父波旬先已請我令入涅槃作如是言婆伽婆入般涅槃修伽陀入般涅槃婆伽婆今者正是入涅槃時商主汝父波旬如是請我我隨彼意許入涅槃商主以是因緣我今時至稱其所許故入涅槃商主復言世尊是魔波旬非是我父非我善友常求殺害是我怨家大惡知識常欲令我不得樂事和合安隱但作毀壞不欲利益世尊是魔於我極欲作惡毀謗天人作大怨讎常於如是慧炬慧光大智明燈求欲滅之世尊若有正實語人作如是言諸天人中有一極毒惡人出於世者當知即是魔波旬也世尊若有正實語人作如是言有人不為益已身故不益他故不益多衆生故

而發心者當知即是魔波旬也世尊若復有正實語人作如是言有人不為憐愍利益天人魔梵阿修羅沙門婆羅門一切世間故又不欲令和合安隱故欲令退落受苦惱故而發心者當知即是魔波旬也世尊我親從佛聞如是說有二種人一者如法二者非法當知世尊所許波旬入涅槃者是不如法唯願世尊於此所許莫生堅著但為憐愍利益安樂諸天人等一切衆生捨此所許住世一劫若佛久住諸天人等利益安樂是故世尊莫速涅槃佛告商主善哉善哉若令衆生得利益者正應如是商主若人供給灌頂登位刹利大王或有供給王子大臣或有防護國土城邑聚落等者是人從其刹利王所得大榮爵受於福祿其刹利王常於此人及其子孫親友眷屬亦寵福祿擁護蔭覆商主汝今若於如來應供正遍知無上法王所心生淨信以淨信故如來則當慰喻於汝與汝福報我今慰喻汝者以汝佛所心生淨信種善根故

大悲心經卷第一 第十八

如是應知商主汝當以此淨信善根於我滅後未來世中作辟支佛名曰悲愍商主我涅槃後正法滅已魔波旬得大喜悦以喜悦故墜落魔宮墮於阿鼻大地獄中具受无量種種苦惱何以故以魔波旬於是大勝慧燈慧光隱滅之時生大喜故商主若有正實語人作如是言有人為自害故為自壞故與已作惡故而發心者當知即是魔波旬也何以故商主我滅後乃至有是正法住世隨其時節是魔波旬得住魔宮我法滅已魔極大喜踊欣慶得大稱意於剎那頃墜落魔宮墮阿鼻大地獄商主譬如有人上於大樹其樹花果悉以具足是人取其稱意花果既受用已還復折其所住之枝商主於意云何是人亦時住彼折枝得住樹不又於其樹受安樂已還折其枝可名有智不商主言不也婆伽婆不也修伽陀佛言商主魔亦如是常希如來應供正遍知入涅槃故常樂隱滅如來所說正法毗尼故商主乃至正法住世是魔

大悲心經卷第一 第十九

波旬於其時節得住魔宮我法滅時其魔波旬生大踊悅喜慶稱意故墜落魔宮墮阿鼻大地獄商主喻如彼人於其樹上而自害故勤作是事魔亦如是為自言故為害他故而勤發心商主魔於後時墮阿鼻大地獄受大苦痛如奪命苦為苦觸已當念我言如來應供正遍知是真語者實語者不異語者不虛語者如是善說善哉身律儀善哉口律儀善哉意律儀是身善行是口善行是意善行獲得可樂可欲可愛稱意果報是身惡行是口惡行是意惡行獲得不可樂不可欲不可愛不稱意果報我昔與彼身惡行相應口惡行相應意惡行相應以是業報今墮大地獄受如是等極痛極切極苦極惱極不可忍如臨死之苦是魔波旬當於亦時憶我所說得淨信心得淨信已即時於彼大地獄命終生三十三天何以故商主若其惡心於如來所作諸過失身壞命終墮大地獄若復慈心供養如來不求過者身壞命終得生善道天人之中彼以

大悲心經卷第一 第二十

善根得值諸佛值諸佛已復種善根種善根已次第當得無漏涅槃商主汝於如來應供正遍知心得淨信以此善根亦勤出世當得值遇值弥勒已則能覺悟睡眠放逸諸眾生等作如是言諸眾生當應當勇猛勤作善業如來應供正遍知出世甚難如曇曇華時乃一見如來亦亦時乃一出无宿宅涅槃時有說者人身難得八難難難得值佛世生於中國亦復甚難是故汝等慎莫放逸當勤修行於後莫悔商主汝於弥勒佛所稟受法教攝彼弥勒无上法王國土人民常以慈心無惡心無忿懣心慈心樂心普覆心護持養育以此善根於魔宮殿及補魔殿具大富貴為自在主商主若有眾生於如來所種諸善根乃至得發一念淨心彼等眾生以此善根得近甘露第一甘露後甘露商主汝以善根於彼廣受人天報已經八十劫於末後身作辟支佛名曰悲愍何以故商主以汝聞我涅槃身已便於我所生淨信心於眾生所生悲

愍心為諸眾生得安樂故求請我住
不般涅槃汝復於彼迦勒法中悲愍
眾生覺悟睡眠放逸眾生令得憶念
而不放逸教以善法以是因緣得辟
支佛記商主我當與汝如是善報應
當深心喜悅稱意商主此等是汝勸
請如來善根因緣如來即以法施蔭
覆報汝善根今時商主復自佛言世
尊者佛不受我所勸請入涅槃者願
我從今乃至法住離於五欲專持孝
道不樂遊戲不著異衣不用華鬘塗
香末香及不受用諸天勝報何以故
如是世尊眾生之寶明當與我別離
異處更不合會更不復有畢竟不可
見世尊我有何樂有何感笑有何可
樂有何稱意如是最大慧炬慧燈大
智光明若隱滅者我當有何踊悅稱
意喜慶等事是大智日有無量百千
光炎眷屬滅除无明大黑闇者作大
智明者如是滅沒我當有何踊悅稱
意有何可樂有何感笑我於如是眾
生之寶有別離故測量眾生不決滅
眾生與明眾生無罪眾生无癡眾生

无上眾生最上眾生無似眾生無等
眾生无等等眾生能救一切眾生眾
生妙眾生眾生所供眾生共乘眾生
調伏眾生者憐愍眾生者真語者實
語者時語者應時語者不異語者如
說修行者住大慈悲者於諸眾生心
无罣碍者於諸眾生平等心者無戲
論者无我我所者无積聚者无窟宅
者無依倚者无荒嶮者無垢者救濟
者引導者化度者預備者解縛者養
育者令眾生憶念者令惺悟者教誨
者於戰鬥勝者拔劍者醫王治心者
施大良藥者究竟度苦者說法者商
主將去者示淺深者持梢尾者持炬
者作明者作光者照曜者施目者示
導者令到安隱國土者遠離一切荒
嶮垢者无渴愛者離諸使役者離諸結
者離貪瞋癡者離諸煩惱者離憍慢
怒者如是大丈夫妙丈夫極大丈夫健
丈夫猛丈夫蓮華丈夫芬陀利丈夫
龍丈夫師龍丈夫師子丈夫上首夫
夫兇丈夫雄丈夫為丈夫無上丈夫
無上調御丈夫共乘者具一切力者

具十力者得四无所畏者具十八不
共法者得大福智力者滿足无量法
藏者无嫉妬者悅喻一切眾生者无
上大施主最勝施主心無嫌恨者得
大禪定者得諸禪三昧三摩跋提境
界者无量慧者無障慧者得无等慧
境界者摧魔幢者渡淤泥者到彼岸
者住彼岸者到无畏處者除一切眾
生怖畏者安慰一切眾生者大眾生
堅固者於今後夜當有別離更不可
見世尊如來常於諸大衆中正師子
吼更不得聞我當有何踊悅稱意世
尊辭如有人於其灌頂刹利王所得
福祿者王命終後生大憂苦知王恩
養念王恩養其王恩養彼諸眾生為
其王故專持孝道或一日二日乃至
七日若半月乃至一月憶念流淚世
尊我亦如是如來滅後乃至正法住
世隨其時節捨離五欲專持孝道不
樂戲笑不著異衣不用華鬘塗香末
香及不受用諸天果報
大悲經帝釋品第三
余時釋提桓因往詣佛所到已頂礼

大聖經卷第一 第四十四

退住一面而白佛言唯願世尊教勅
 於我六何修行世尊昔於一時四大
 阿修羅王嚴駕著鎧將諸眷屬來詣
 三十三天所欲共鬪戰當於尔時聖
 者目連仍住在世如是諸天共阿修
 羅對陣之時聖者目連到四阿修羅
 所以如法伏之如是諸天及諸阿修
 羅悉得安隱无復鬪戰之苦共相違
 天毀訾諍論世尊是大目連既已滅
 度如來今復欲般涅膝我等如是於
 後救救當復鬪戰共相違反願垂教
 勅若四阿修羅王與我戰時我於彼
 等作何方計佛告釋提桓因言憍尸
 迦止莫憂悲莫愁莫慮若持戒者所
 願必成唯淨戒者成非不淨戒梵行
 者非不梵行離欲者非不離欲離瞋
 者非不離瞋離癡者非不離癡智慧
 者非不智慧而得成也憍尸迦我從
 今後當作加倍憍尸迦乃至我之正
 法未滅若有諸天阿修羅等共相鬪
 戰隨其時節稱我名故諸天得勝尔
 時四大阿修羅王聞佛說是加護聲
 已其心忿恨毛豎怖畏來詣佛所到

大聖經卷第一 第四十五

已頂礼却住一面而白佛言世尊何故
 如來作是加護佛告四大阿修羅言
 汝等莫憂莫慮有時汝等得大自在
 過彼三十三天無復鬪戰无諍無竟
 无相違反是故汝等慎莫鬪戰莫相
 毀訾莫相諍論勿作違反心當作慈
 心慈心得眾欲具足諸仁者命不久
 傳為自在主亦復無常諸仁者世間
 所有具足合會必歸離散諸仁者當
 觀如來窮无常際於諸眾生無所怨
 讎无違無競常為和合一切眾生平
 等發心何況汝等薄少善根彼此迭
 相樂鬪諍者諸仁者若有發心惱害
 他者是人長夜還得惱害諸仁者若
 人善殺是人還得短壽之報若意圖
 諍是人常有怖畏死報不具大眷屬
 无大勢力諸仁者善惡二業終不敗
 亡是故汝等從今已後各住慈心住
 身業慈口業慈意業慈莫鬪莫竟莫
 相毀訾以是因緣汝等長夜得利益
 安樂後則不悔作是語已四大阿修羅
 王白佛言世尊如是婆伽婆如是修
 伽隨我等如是依如來教如是修如

是住世尊我從今後一切當捨鬪戰
 之具各修慈心尔時釋提桓因聞佛
 涅槃為憂箭所射極大愁惱悲泣流
 淚而白佛言世尊我從今日乃至法
 住不受五欲不入內宮不著異衣大
 德婆伽婆譬如家長喪亡是人知識
 得恩養者心生苦惱憶念舊恩念恩
 養故悲泣流淚專持孝道世尊我亦
 如是乃至法住隨其時節悲泣流淚
 專持孝道不行五欲不入內宮不著
 異衣何以故無上導師明當別離不
 可得見更不合會釋提桓因作是語
 已即便伏面啼哭而住

大悲經卷第一

萬曆二十一年... 望日馬... 佛... 經...

大悲經卷第一

校勘記

- 一 底本，金藏廣勝寺本。
- 一 一八〇頁中一行經名及三行品名，
石併作「佛說大悲經梵行品第一卷」，下同此例。
- 一 一八〇頁中二行第九字「提」，
清作「提黎」。
- 一 一八〇頁中二行末字「譯」，
石、資、磧、普、南、徑、清作「共法智譯」，以下各卷同。
- 一 一八〇頁下末行第一〇字「衆」，
資、磧、普、南、徑、清作「泉」。
- 一 一八一頁上一九行第二字「踊」，
資、磧、普、南、徑、清作「涌」。
- 一 一八一頁下一行第一〇字「洞」，
資、磧、普、南、徑、清作「炯」。
- 一 一八二頁上五行第二字「林」，
資、磧、普、南、徑、清作「木」。
- 一 一八二頁上一七行第四字「嚳」，
諸本作「號」。

- 一 一八二頁中一二行第八字「灾」，
資、磧、普、南、徑、清作「火」。
- 一 一八二頁下一行第八字「刑」，
磧、普、南、徑、清、麗作「則」。
- 一 一八三頁上一六行第六字「木」，
石、資、磧、普、南、徑、清作「林」。
- 一 一八三頁上二二行首字「作」，諸
本作「覆」。
- 一 一八三頁中五行第九字「婆」，
資、磧、普、南、徑、清作「婆不也世尊」。
- 一 一八四頁上一九行第三字「影」，
資、磧、普、南、徑、清無。
- 一 一八四頁下三行第一三字「岩」，
資、磧、普、南、徑、清作「若」。
- 一 一八五頁上二一行「大悲經」，
清無，此經以下各品同。
- 一 一八五頁上末行第一二字「戰」，
資、磧、普、南、徑、清作「顛」。
- 一 一八五頁中一五行末字「得」，
資、磧、普、南、徑、清作「聞」。
- 一 一八六頁中五行第一一字「而」，
資、磧、普、南、徑、清作「爾」。

- 一 一八六頁下四行第一二字「值」，
資、磧、普、南、徑、清無。
- 一 一八六頁下一六行第一〇字「為」，
資、磧、普、南、徑、清作「而為」。
- 一 一八七頁上一六行第一〇字「慧」，
資、磧、普、南、徑、清作「慈」。
- 一 一八七頁中四行「真語者」，
資、磧、普、南、徑、清作「實語者真」。
- 一 一八七頁中一行第一〇字「怪」，
資、磧、普、南、徑、清作「醒」。
- 一 一八七頁下八行第二字「住」，
資、磧、普、南、徑、清作「往」。
- 一 一八七頁下一五行第六字「賞」，
資、磧、普、南、徑、清作「償」。
- 一 一八八頁上一九行第六字「倫」，
資、磧、普、南、徑、清、麗作「被」。
- 一 一八八頁中一二行末字「迭」，
資、磧、普、南、徑、清作「遞」。



趙城縣廣勝寺

大悲經卷第二

寶

高齊天竺三藏那連提耶舍譯

羅睺羅品第四

余時大德羅睺羅作如是念我今有何喜悅有何稱意有何欣慶而能堪忍面見世尊入般涅槃作是念已東北方去此十佛國土彼有世界名摩離支佛号難勝如来應正遍知今時慧命羅睺羅從拘尸城力士生地没向東北方難勝如来應正遍知所到已稽首作礼却住一面憂愁不樂今時難勝如来告羅睺羅言羅睺羅汝莫憂悲羅睺羅一切所愛稱意等事有為和合必皆離散羅睺羅凡是事法今諸佛世尊作佛事訖皆般涅槃羅睺羅汝可還彼今釋迦牟尼如来應正遍知力士生地娑羅雙樹間如師子王右脇而卧今日後夜於无餘涅槃界而般涅槃羅睺羅汝必須往若佛如来入涅槃後汝必憂悔作是語已時羅睺羅白難勝佛言世尊我不忍聞釋迦牟尼如来應正遍知入

大悲經卷第二 第三張 寶

涅槃聲况能忍見彼佛世尊入般涅槃是故我不堪忍往彼今時羅睺羅答彼難勝佛已即於彼没往詣上方過九十九世界到第一百世界彼有如來應正遍知号曰商主今現在世今時羅睺羅到已頭面作礼悲泣流淚憂愁啼哭却住一面住一面已時商主佛告羅睺羅言止羅睺羅汝莫憂悲羅睺羅一切諸法生者不生老者不老病者不病死者不死盡者不盡无有是處羅睺羅過去諸佛聲聞緣覺寂滅離而般涅槃現在諸佛聲聞緣覺寂滅離而般涅槃羅睺羅假使如来住世一切若百劫必當如是入般涅槃羅睺羅諸佛世尊更无餘法唯是究竟寂滅涅槃羅睺羅究竟寂滅者是究竟定究竟清涼究竟盡究竟樂究竟安隱所謂无窟宅涅槃界羅睺羅生苦老苦病苦死苦恩愛別離怨憎合會所求不得五陰重擔如是皆苦羅睺羅唯涅槃是樂羅睺羅汝亦不久當般涅槃羅睺羅汝及

釋迦牟尼佛入涅槃處无生無老无病無死无愛別離無怨憎會無不滿意羅睺羅汝莫悲戀莫憂莫愁羅睺羅汝當思惟誰是生者誰是老者誰是死者誰是流轉誰復還生羅睺羅皆是虛妄顛倒取著未聞聖法諸凡夫等未見諸聖未信聖法未學聖法未解聖法未知聖法未住聖法故心顛倒想顛倒見顛倒以顛倒故生生故老老故死死已還生馳走流轉枯焦敗壞愛戀憂愁推胸號哭羅睺羅一切聖人唯以此法毗尼息一切行於上更無所作羅睺羅如是導師所作已訖聲聞弟子所作者已作於上更无所作羅睺羅汝莫悲戀莫憂莫愁羅睺羅彼釋迦牟尼佛无上法王於釋種中尊汝當往彼軍後禮拜供養恭敬若涅槃後汝必憂悔羅睺羅彼釋迦牟尼佛今在力士生地娑羅林間如師子王右脇而卧思欲見汝羅睺羅汝必須往作是語已慧命羅睺羅白商主佛言世尊我不忍聞釋迦牟尼如來應正遍知入涅槃聲况能

忍見彼佛世尊入般涅槃作是語已身心悶絕不自勝持復作是言而彼世尊釋迦牟尼於釋種中尊无上法王衆生中寶我今何能忍見彼佛入般涅槃憐愍一切世間者一切世間形相无與等者與一切世間作燈者與一切世間作眼目者與一切世間作慧焯者照耀一切世間者明日離散当无所有作是語已時商主如來告羅睺羅言止羅睺羅汝莫憂悲羅睺羅汝可不聞彼佛世尊說如是法一切行无常一切行苦一切法無我寂滅涅槃羅睺羅彼佛世尊說如是偈諸行無常 是生滅法 生已還滅滅彼為樂 羅睺羅言如是世尊佛告羅睺羅彼佛世尊昔可不作如是說也一切所愛稱意等事必歸磨滅不久離散假使久住會亦有離羅睺羅言如是婆伽婆如是修伽陀佛言羅睺羅有為諸法生法有法覺知法分別起法從因緣生若不滅者無有是處 尔時羅睺羅憶念已父釋迦牟尼如

來應正遍知已流淚而言我於明日更不見佛諸比丘衆圍繞說法如大海中須弥山玉衆相莊嚴起光明照猶如滿月衆星圍繞如日千光處空照曜如深大海无量衆寶所藏積處如轉輪王無量眷屬而共圍繞如雪山王根力覺花之所開敷如鐵圍山一切惡風所不能動如是世尊一切外道諸論議風不能傾動猶如蓮花處在池中不為世法之所能染猶如大梵具梵眷屬猶如帝釋有千眼目如師子王座師子坐無所恐懼離諸怖畏能師子吼我於明日更不得見時羅睺羅作是語已默然悲泣思惟而住尔時商主如來告羅睺羅言汝今速可詣彼佛所彼佛如來思欲見汝羅睺羅汝當速去莫更重問致有稽留慎莫勞擾彼佛世尊羅睺羅汝必須往何以故羅睺羅諸佛法尔佛以慈悲思欲見汝不入涅槃尔時羅睺羅頭面礼彼商主佛已辟如壯士屈申辭須復如申辭屈須時羅睺羅即於彼没詣拘尸城力士生地娑羅雙

大悲經卷第二 第七經

大悲經卷第二 第七經

大悲經卷第二 第七經

樹間到如來所亦復如是到已頭面
 礼足右繞三匝却住一面憂愁悲泣
 合掌流淚尔時世尊告羅睺羅言羅
 睺羅汝莫悲戀憂愁啼哭心生熱惱
 羅睺羅汝於父所作父事訖我亦汝
 所作子事訖羅睺羅汝莫生戀憂愁
 悲悔羅睺羅我與汝等俱為一切眾
 生得无畏故發勤精進不作怨讎不
 作惱害故發大精進羅睺羅我今般
 涅槃已更不與他作父羅睺羅汝亦
 當般涅槃更不與他作子羅睺羅我
 與汝等二俱不作惱乱不作怨讎尔
 時羅睺羅白佛言世尊婆伽婆莫般
 涅槃修伽陀莫般涅槃唯願世尊住
 世一切為於多眾安隱樂故憐愍世
 間故利益安樂諸天人故作是語已
 佛告羅睺羅言羅睺羅如來應正遍
 知盡知諸法於世間中得名為佛羅
 睺羅然彼佛法不消不盡不生不滅
 不來不去不成不壞不坐不卧不合
 不散何以故羅睺羅如是法住畢竟
 不生畢竟不滅畢竟空畢竟无自性
 寂定涅槃不入眾數无窟宅不可說

非語言道此是諸佛法所謂畢竟住
 故畢竟滅故畢竟寂滅故畢竟離故
 畢竟離欲故畢竟不和合故畢竟不
 作故畢竟盡故羅睺羅我隨宜說此
 法假使諸佛若出世若不出世如是
 諸法住諸法如法尔故法不變易故
 法離欲故法无自性故羅睺羅如是
 如來不將戒聚入般涅槃不將定聚
 慧聚解脫聚解脫知見聚入般涅槃
 羅睺羅汝莫悲戀憂愁莫愁羅睺羅
 一切諸行無常无定無所怖望無常
 盡變易法羅睺羅乃至息一切行狀
 捨不著唯求解脫羅睺羅此是我之
 教法佛為羅睺羅說此見實諦品時
 大德比丘六十人皆盡諸漏心得解
 脫三十五比丘尼亦心解脫得盡諸
 漏無量天人遠塵離垢得法眼淨六
 万八千諸菩薩得无生法忍一切皆
 悉歡喜踊躍歎言佛法不可思議彼
 等皆悉以優波羅花波頭摩花拘牟
 頭花芬陀利花而散佛上各作是言
 我於來世亦當如是作天人師出興
 於世說如是法世間無上无相涅槃

如是以大涅槃而般涅槃彼諸菩薩
 作是語已默然而住
 大悲經迦葉品第五
 尔時阿難在佛牀邊悲啼流淚悶絕
 躄地猶如臨崖斫斷大樹作如是言
 婆伽婆涅槃太速修伽陀涅槃太速
 眾生中寶大慈悲者隱沒太速世間
 大燈世間大炬天人中寂隱沒太速
 眾生芬陀利於世間中隱沒太速眾
 生龍象善自調者復調眾生未調者
 令調隱沒太速無上導師能示世間
 安隱道者隱沒太速世間慧眼大光
 普照能示世間隱沒太速世間盲冥
 無引導者眾生父母於世間中隱沒
 太速世間孤獨无所恃怙眾生中寶
 云何明日我更不見唯有名在尔時
 世尊告阿難言止阿難莫憂悲我曾
 告汝一切所愛稱意等事和合之法
 必有離散阿難有為諸法生法有法
 覺知法因緣法滅壞法若不壞者无
 有是處彼若得住亦無是處阿難假
 使入住法當如是必亦有離是故阿
 難汝莫憂悲尔時阿難瞻仰尊顏目

不覺捨思惟是已亦復躡地猶如臨
崖斫斷大樹佛復告言阿難止莫憂
悲不以憂悲令我住世阿難我曾告
汝一切所愛稱意等事有為和合必
當別離假使久住會亦當滅諸行法
亦阿難汝以身口慈孝如來无量安
樂心無有二無瞋无恨無有怨讎亦
時阿難從地而起投淚而言世尊我
何得不愁何得不悲我與如是大慈
悲者出一切世間者憐愍一切世間
者一切世間所愛惜者一切世間所
歸趣者導引一切世間者利益一切
世間者安樂一切世間者如是大寶
衆生明當別離亦時阿難大號哭已
投淚而言奇哉奇哉諸行是屍而作
欺陵能令如是大燈大炬大日光明
无量光炎百千億那由他炎幢眷屬
普現世間見知念慧境界普照大寶
衆生隱沒太速大智慧者大光明者
今於世間隱沒太速世間孤獨作覆
護者隱沒太速如來具足神通變化
今於世間隱沒太速世尊我何得不
愁何得不悲世尊我今自怪心不破

裂以為百分世尊我亦自怪不於佛
前而取命終必是世尊神力加我以
是義故不取命終何以故我於佛所
親承面受八万四千諸法寶藏受持
不忘未廣流布在於十方諸天人故
世尊我為如來神力所加以是義故
我不命終世尊我何得不愁何得不
悲世尊我到迦毗羅城世尊生處釋
種集時作何等語可言日種釋迦牟
尼佛釋種中尊无上法王般涅槃耶
我到王舍城毗提希子阿闍世王所
作何等語可言大師佛日隱沒能拔
世間无間業箭醫王去耶我到舍婆
提城作何等語可言大悲憐愍世間
者隱沒去耶我到祇陀林給孤獨長
者而問我言如來何時來住祇陀林
給孤獨園作何言答我到毗舍離城
諸離車子前當作何言可言憐愍世
間取大尊師隱沒去耶諸方所有善
男子善女人來問義者作何言答可
言是大智人世間智者斷一切疑者
隱沒去耶諸方所有諸比丘衆為欲
見佛供養禮拜問評世尊為布薩故

來問法者來問義者我更不見不聞
彼說得上人法世尊滅後有如是等
神通變化修梵行者隱沒於世我何
得不愁何得不悲作是語已佛告阿
難言阿難止汝莫憂愁我之梵行當
廣流布久住世間利益天人阿難我
滅度後過四百年迦葉共汝及諸弟
子展轉相承作神通變化修行梵行
利益天人阿難汝莫憂悲我之正法
當廣流布久住世間利益天人阿難
我涅槃後迦葉比丘共汝發心令我
阿僧祇億那由他劫所集无上三寶
三菩提法增益諸善使不退失何以
故阿難是迦葉比丘少欲知足遠離
精進樂不忘念樂不戲論定慧現前
阿難迦葉比丘能於大衆示教利喜
於諸梵行說法不倦猶如父母阿難
迦葉比丘於諸四衆而見懸遠憐愍
世間為欲利益安樂衆生諸天人故
發如是心亦時阿難白佛言世尊迦
葉比丘如是發心利益安樂衆許諸
天人衆佛言阿難迦葉比丘入涅槃
時作是誓願我滅後以我神力所加

持故令我身衣不變不壞駁毛膚色諸根支節亦不變壞乃至弥勒如來應正遍知出興世時令我此身見彼世尊共作初會如是第二第三大會以我願力所加持故當令多百衆生多千衆生多千萬衆生多百千億那由他衆生得聖道果若弥勒佛見我身衣不變不壞三會聲聞亦見我身不變不壞諸根支節及衆衆已然後我身住在空中以已身火闍維其身闍維身已灰炭不現阿難是為迦葉發心利益安樂衆生阿難迦葉比丘如是願力所加持故成熟如是諸衆生已如般涅槃阿難迦葉比丘般涅槃已有四石山當來到迦葉所覆障其身合成為一阿難是迦葉身在彼四石山中身不變壞至弥勒佛出興於世隨余許時迦葉比丘身住不壞及衆衆亦住不壞何以故阿難持淨戒者修梵行者有智慧者所願能成非戒不淨不修梵行无智有欲所能成也阿難迦葉比丘先以願力所加持故入般涅槃入涅槃已彼迦葉

身常不變壞駁毛血肉諸根支節及以衣服亦不變壞身亦不臭乃至弥勒阿難彼弥勒佛出興世時共彼初會九十六億諸比丘衆到迦葉所阿難是弥勒佛以迦葉身亦彼九十六億諸比丘衆作如是言諸比丘此迦葉比丘於釋迦牟尼如來法中作大聲聞住勝頭陀少欲知足遠離精進樂不妄念樂不戲論定慧現前能於多衆亦教利喜於諸梵行說法不倦猶如父母諸比丘是迦葉比丘於諸四衆所見懸遠畢竟無疑隨順多衆諸比丘汝觀迦葉憐愍世間為欲利益安樂一切諸人天故發如是心阿難弥勒如來應正遍知第二會時共九十四億諸聲聞衆來到其所第三會時共九十二億諸聲聞衆亦來到迦葉所阿難彼弥勒佛示彼九十二億比丘衆言此迦葉比丘於釋迦牟尼如來法中取大聲聞住勝頭陀少欲知足乃至發心為欲利益安樂一切諸天人故阿難弥勒如來當於彼時舒金色右手摩迦葉頂觀察諸比

丘言諸比丘是迦葉比丘於釋迦牟尼佛滅度之後廣持正法而此衆中無有一人於我滅後廣能如是持我正法如迦葉者阿難是迦葉比丘於彼第三大會以本願力所加持故住虛空中現種種神通種種變化已以身火闍維其身闍維身已灰炭不現時弥勒佛當於彼時發起迦葉已為彼九十六億諸比丘衆數數說法多百多千多億那由他百千天人得聖道果阿難迦葉比丘發心利益多衆生故汝亦發心利益安樂多衆生故如是阿難迦葉比丘及汝發心故過四百年能持我之正法及作神通種種變化修行梵行各能增益諸天人衆

大悲經持正法品第六
 余時世尊復告阿難汝莫憂悲我之梵行當廣流布各能增益諸天人衆阿難我滅度後摩偷羅城優樓婁茶山有僧伽藍名那馳迦於彼當有比丘名毗提舍有大神通具大威力正智得道多聞无畏持修多羅持毗尼

持摩多羅迦於諸梵行示教利喜說
法不倦彼亦當作神通變化修行梵
行廣行流布我之正法增益天人阿
難汝莫憂悲我滅度後還於優樓婁
茶山那馳迦僧伽藍當有比丘名提
知迦有大神通具大威力於諸梵行
說法不倦能令我法廣行流布增益
天人阿難汝莫憂悲我滅度後還於
優樓婁茶山傍有山名優尸羅彼有
四万比丘集會有神通有大威力多
所堪能正智得道多聞无畏持修多
羅持毗尼持摩多羅迦各能於諸梵
行示教利喜說法不倦彼等比丘神
通變化修行梵行令我正法廣行流
布各能增益諸天人衆阿難汝莫憂
悲我滅度後還於優樓婁茶山傍當
有比丘名優波迦多有大神通其大
威力乃至亦能神通變化修行梵行
令我正法廣行流布增益天人於彼
當有千阿羅漢集八万八千諸比丘
衆共一布薩作一羯磨心不欺詐共
相授記彼等皆能神通變化修行梵
行令我正法廣行流布各能增益諸

天人衆阿難汝莫憂悲是優波迦多
及諸弟子各各能令我之正法廣行
流布於諸天人能正顯說阿難汝莫
憂悲我滅度後於波離弗城有僧伽
藍名跋多尼彼有比丘名阿輸婆鞠
多三明六通具八解脫禪智二分解
脫自在有大神通具大威力乃至彼
等亦能神通變化修行梵行令我正
法廣行流布增益天人阿難汝莫憂
悲我滅度後還於波離弗城有僧伽
藍名鳩鳩吒當有比丘名鬱多羅有
大神通具大威力乃至亦能神通變
化修行梵行廣行流布我之正法增
益天人阿難汝莫憂悲我之梵行當
廣流布各能增益諸天人衆阿難我
滅度後於耆闍國當有我諸眷屬作
般遮跋瑟迦會彼處當有過一万三
千阿羅漢集彼等一切有大神通具
大威力有多堪能乃至於諸梵行說
法不倦彼有上座名設陁沙茶有大
神通具大威力有多堪能於諸梵行
說法不倦彼等亦能神通變化修行
梵行令我正法廣行流布各能增益

諸天人衆阿難汝莫憂悲我滅度後
金鉢悉陁城當有二比丘於婆羅門
種中出家一名毗頭羅二名刪闍耶
各有神通具大威力有多堪能乃至
亦能神通變化修行梵行令我正法
廣行流布增益天人阿難汝莫憂悲
我滅度後婆羅多城當有比丘名大
精進有大神通具大威力乃至亦能
神通變化修行梵行令我正法廣行
流布於諸天人阿難汝莫憂悲我滅
度後當有比丘名末田提三明六通
具八解脫禪智二分解脫自在有大
神通具大威力乃至於諸梵行說法
不倦北天竺國罽賓川中當有无量
諸龍夜叉乾闥婆等具大身力依住
彼川是末田提比丘到於彼處為彼
諸龍夜叉乾闥婆等來共鬪爭是末
田提比丘神通變化以法降伏諸龍
夜叉乾闥婆等令得敬信得敬信已
令人住在彼罽賓川建立諸僧伽藍
多有聲聞多百多千聲聞衆集阿難
是末田提比丘於一切時令彼住處
具諸善事阿難我若具足稱揚廣說

大悲經卷第三 第十八 阿字

彼末田提所有功德不能窮盡阿難
 是末田提比丘具諸功德能令我法
 毗尼神通梵行於諸天人廣行流布
 阿難汝莫憂悲我滅度後於北天竺
 乳陀羅國當有比丘名曰迦葉有大
 神通具大威力有多堪能正智得道
 多聞無畏持修多羅持毗尼持摩多
 羅迦乃至亦能令我正法廣行流布
 阿難汝莫憂悲我滅度後於北天竺國
 有城名得叉尸羅彼有長者名聞知
 迦名震諸方具大豪富多饒財寶具
 足功德智慧相稱端正可愛相好第
 一彼聞知迦長者深信於我及諸聲
 聞供養恭敬尊重讚歎次第積集善
 提善根於未來世滿千劫已成阿耨多
 羅三藐三菩提佛號普光劫名造賢
 世界名具大莊嚴阿難彼聞知迦長
 者於諸天人廣行流布我之正法阿
 難汝莫憂悲我滅度後於北天竺國當
 有王都名富迦羅跋帝人民熾盛豐
 樂安隱彼處多有諸婆羅門長者居
 士隨順修多羅深信於我及諸聲聞
 供養恭敬尊重讚歎彼有無量聲聞

大悲經卷第三 第十九 阿字

弟子有大神通具大威力有多堪能
 阿難於彼多有長者居士正智得道
 多聞無畏具大智慧阿難彼富迦羅
 跋帝王都所有在家諸白衣等彼命
 終已生兜率天諸出家者悉墮地獄
 何以故彼不住戒不住律儀故阿難
 彼富迦羅跋帝王都所有婆羅門長
 者居士等當作是念釋迦牟尼佛之
 正法必當隱沒何以故諸比丘等於
 諸利養增上貪求多毀禁戒其心散
 亂不樂閉林捨離禪樂與諸四眾歡
 相往來破戒違道共諸婆羅門長者
 居士等親友交通不相敬重飲食花
 果送相贈遺不依律儀无有慚愧姪
 彼女婦彼諸婆羅門長者居士等見
 聞彼諸比丘作非法已生大驚怖心
 甚憂惱作如是言佛之正法可隱沒
 耶當於彼時還於富迦羅跋帝三部
 當有優婆塞名曰法增有大神通具
 大威力有大福德正智得道多聞無
 畏持修多羅摩多羅迦善巧方便是
 優婆塞為欲令彼婆羅門長者居士
 等生敬信故上昇虛空示教利喜而

大悲經卷第三 第二十 阿字

作是言汝等諸人慎莫怖畏莫疑莫
 慮彼釋迦牟尼佛之正法猶住在世
 汝可發勤精進作諸善業未得者令
 得未證者令證未達者令達聖法今
 在耳可速求時婆羅門長者居士等
 心皆喜悅而行布施作諸功德於我
 舍利裝飾嚴持及諸聲聞勤作供養
 聽受讀誦轉為他說受持禁戒勤修
 禪定彼諸婆羅門長者居士等為彼
 法增示教利喜皆趣善道及涅槃道
 阿難彼優婆塞亦能令我正法廣行
 流布增益天人如是阿難於我滅後
 亦當多有俗人於我法中深得敬信
 曾於過去供養多百多千无量諸佛
 殖諸善根於我舍利勤修莊嚴及諸
 聲聞供養恭敬尊重讚歎阿難彼等
 亦令我之正法廣行流布增益天人
 阿難我滅度後於未來世北天竺國
 當有比丘名祁婆迦出興於世曾於
 過去无量百佛殖諸善根供養恭敬
 深信具足安住大乘為欲憐愍利益
 安樂諸衆生故發如是心多聞持善
 薩藏稱揚大乘顯發大乘是比丘見

我舍利形像塔廟有破壞者裝校修治以金莊嚴堅立幢幡寶蓋鈴網出微妙音與造如來無量形像及諸塔廟其諸塔廟皆以半月師子莊嚴能令諸天人衆心生信樂為欲滿足菩提善根故憐愍衆生故護持養育故攝受我法故為不敬信者令敬信增修故亦令多衆種善根故作般遮跋瑟迦會阿難當於余時多有比丘不持禁戒多作非法不樂閉捨捨離禪樂破戒違道共相言訟貪惜積聚獨占一房與諸俗人不相往來捨離佛法於諸梵行不生敬重形似沙門當於余時有少比丘發勤精進遠離憒鬧係念現前定慧一心安住善法少欲知足樂修乞食安住聖種多聞無畏持修多羅持毗尼持摩多羅迦當於余時和婆迦比丘令諸比丘著袈裟者其心柔軟諸根无缺具足深信第一敬重於彼所有著袈裟者起持戒想作福田想而行布施修諸善根彼和婆迦比丘修集無量種種寶勝菩提善根已而取命終生於西方過

億百千諸佛世界無量壽國於彼佛所種諸善根復經八十億諸如來所修諸梵行以此善根於未來世過九十九億劫而成正覺佛号无垢光世界名一切功德莊嚴阿難彼和婆迦比丘令我正法於諸天人廣行流布阿難汝莫憂悲我之梵行當廣流布天人信樂阿難我滅度後於未來世當有邊國名曰舍摩彼有國王名曰大施而於我法心生淨信於我舍利及諸聲聞勤修供養稱揚讚歎阿難彼大施王於舍摩國集我聲聞諸比丘衆尊重供養於彼當有過三千阿羅漢皆有神通功德威力乃至於諸梵行說法不倦阿難彼等亦能令我正法於諸天人廣行流布阿難汝莫憂悲我滅度後北天竺國有城名興憂悲我滅度後北天竺國有城名興渠未但和婆得我舍利尊重供養當以花鬘塗香末香音聲伎樂幢幡寶蓋衣服卧具衆寶金銀以用莊嚴阿難時彼精舍當有多人以信出家受持禁戒修行善法諸俗人等修行善法亦復無量阿難彼有持戒多聞有

智於我法中深得淨信於我聲聞及我舍利勤修裝飾嚴治供養於佛法僧供養加護以此善根於天人中受福報已有得阿耨多羅三藐三菩提者有得緣覺乘者有得聲聞乘而涅槃者阿難彼以如是種種供養當得如是神通威力阿難是等諸人開示演說令我正法於諸天人廣行流布阿難汝莫憂悲我之正法當廣流布增益天人阿難我之舍利及我形像遍閻浮提何况人不見處所謂天龍夜叉羅刹乾闥婆阿修羅迦樓羅緊那羅摩睺羅伽鳩摩茶等官殿之中所造形像阿難汝莫憂悲我法毗尼於諸天人當廣流布

大悲經舍利品第七

余時世尊復告阿難我滅度後若有善男子善女人若在家若出家乃至供養我之舍利如芥子等恭敬尊重謙下供養我說是人以此善根一切皆當得涅槃果盡涅槃際阿難若我滅後所有善男子善女人心生敬信為我造立形像塔廟阿難應生深信

大華嚴經卷第二 華嚴經 第五

慎莫疑惑我說是人以此善根一切
 皆當得涅槃果盡涅槃際阿難且置
 現在供養我者且置我滅度後供養
 如芥子等舍利者且置為我造立形
 像及塔廟者阿難若有信心念佛功
 德乃至一花散於空中我說是人以
 此善根一切皆當得涅槃果盡涅槃
 際阿難若復有人見佛世尊神通威
 力為供養故乃至一花散於空中猶
 能得涅槃果何況親承如來而供養
 者及我滅後供養舍利者阿難諸佛
 境界不可思議若復有人能供養者
 所得福德亦不可思議阿難若人念
 佛乃至一花散於空中我以佛智見
 知是人所得果報不可思議汝應當
 信何況未來所有佛子深得敬信思
 惟佛功德求佛智者今時阿難聞佛
 語已心懷踊躍生大歡喜而白佛言
 希有婆伽婆希有修伽陀今正是時
 唯願世尊說其念佛乃至一花散於
 空中而供養者所得果報諸比丘等
 從佛所聞讀誦受持以是當得憐慈
 世間利益安樂諸天人故於現在世

大華嚴經卷第二 華嚴經 第五

及未來世所有衆生從彼聞者復得
 數數種諸善根心生敬信得大稱意
 彼作是念釋迦牟尼於釋種中无上
 法王大慈悲者憐愍世間者勸喻我
 等令我生念發大精進作是語已佛
 告阿難諦聽諦聽善思念之吾當為
 汝分別解說所得果報阿難自言如
 是世尊願樂欲聞佛告阿難若有衆
 生以念佛故乃至一花散於空中如
 是福德所得果報不可窮盡阿難如
 是衆生從前際來劫數長遠生死流
 轉不可得知於未來際亦復如是若
 有衆生以至誠心念佛功德乃至一
 花散於空中於未來世當得釋天王
 梵天王轉輪聖王於其福報亦不能
 盡以其善根福報邊際不可盡故要
 當入般涅槃何以故阿難施佛福田
 不以有為果報所能盡邊我說是人
 必得涅槃盡涅槃際阿難且置親承
 供養我者且置供養我如芥子等舍
 利者且置為我造立形像及諸塔廟
 而供養者且置以念佛故乃至一花
 散於空中而供養者若復有人在於

大華嚴經卷第二 華嚴經 第五

室內以念佛故乃至一花散於空中
 阿難我說是人當得涅槃得第一涅
 槃盡涅槃際寂勝涅槃妙涅槃清淨
 涅槃安住涅槃阿難以是因緣諸福
 田中佛為寂佛為王何以故施佛田
 者非謂世間果報所能盡也以是因
 緣於佛福田為寂第一阿難諸佛如
 來順正道者能作无上究竟福田於
 佛福田所有施者必窮盡涅槃際得
 第一涅槃阿難且置如是以花散佛
 所得功德若復有人但心念佛一生
 敬信我說是人亦當得涅槃果盡涅
 槃際阿難且置人中念佛功德若有
 畜生於佛世尊能生念者我亦說其
 善根福報當得涅槃盡涅槃際阿難
 汝今當觀諸佛世尊與諸衆生作福
 田者能令衆生當得如是神通威力
 是故阿難汝莫憂悲若有善男子善
 女人乃至畜生諸衆生等於佛生信
 當得如是神通果報廣大功德譬如
 甘露第一甘露盡甘露際阿難汝以
 身口慈孝如來无量安樂心無有二
 無瞋無恨無有怨讎阿難若有三千

大千世界滿中須陀洹斯陀舍阿那
 舍阿羅漢如甘蔗竹筍若麻若草若
 有善男子善女人若一劫若減一劫
 以諸稱意一切樂具恭敬尊重謙下
 供養阿難於意云何是善男子善女
 人所得福德寧為多不阿難言甚多
 婆伽婆甚多修伽陀佛言阿難若復
 有人於諸佛所但一合掌一稱名如
 是福德比前福德百分不及一百分
 不及一百千億分不及一數分不及一
 迦羅分不及一何以故阿難以佛如
 來諸福田中為最无上是故施佛成
 大功德神通威力阿難且置三千大
 千世界所有聲聞阿羅漢等若復三
 千大千世界滿中碎支佛如甘蔗竹
 筍若麻若草若有善男子善女人若
 一切若減一劫以諸稱意一切樂具恭
 敬尊重謙下供養被碎支佛若碎支
 佛滅度後起七寶塔若有善男子善
 女人乃至盡形以諸香花塗香末香
 衣服卧具寶幢幡蓋恭敬尊重謙下
 供養阿難於意云何是人於彼所得
 福德寧為多不阿難言甚多婆伽婆

甚多修伽陀佛言阿難若復有人於
 如來所起一淨信思惟信解作如是
 言諸佛智慧不可思議以此信解善
 根功德比前供養被碎支佛所得功
 德迦羅分不及一乃至優婆尼沙陀
 分不及一何以故阿難諸佛世尊无
 量大慈無量大悲无量戒無量定无
 量慧无量解脫無量解脫知見无量
 修集無量遠證阿難諸佛世尊智慧
 不可思議諸佛境界亦不可思議若
 有供養不可思議者當得不可思議
 報阿難汝莫憂悲汝當得大神通功
 德利益何以故阿難汝以身口意慈
 供養我來過二十年受持如來八万
 四千諸法寶聚於諸多聞家為第一
 巧言辯慧問答中家正智得道多聞
 无畏持修多羅持毗尼持摩多羅迦
 於諸四眾說法不倦阿難我滅度後
 汝共大德摩訶迦葉當作第一眾大
 導師大作佛事阿難汝莫憂悲汝當
 得大神通功德利益

大悲經卷第二
 校勘記

- 一 底本，金藏廣勝寺本。
- 一 一九〇頁中二行第九字「提」，碩、晉、南、徑、清作「提黎」，以下各卷同。
- 一 一九〇頁中一四行第五字「必」，石作「悉」。
- 一 一九一頁上一行「椎匈」，資、碩、晉、南、徑、清作「搥胃」；麗作「椎胸」。
- 一 一九二頁下五行第七字「斫」，石作「折」。
- 一 一九二頁下二〇行第一〇字「若」，碩、晉、南作「者」。
- 一 一九三頁中一行第六字「毗」，徑、清作「韋」。
- 一 一九三頁中一九行第四字「尊」，資、碩、晉、南、徑、清作「導」。
- 一 一九三頁下一七行第八字「倦」，資、碩、晉、南、徑、清作「倦」。

一 一九三頁下一八行第九字「而」，

諸本作「所」。

一 一九三頁下末行第五字「願」，諸
本作「願願」。

一 一九四頁中九行第三字「妄」，**資**、**磧**、**普**、**南**、**徑**、**清**作「忘」。

一 一九四頁中一四行「人天」，**資**、**磧**、**普**、**南**、**徑**、**清**作「天人」。

一 一九四頁下九行第五字「六」，**石**、**麗**作「二」。

一 一九五頁上二行第四字「彼」，**磧**、**普**作「役」。

一 一九五頁上一〇行第七字「有」，
諸本作「有大」。

一 一九五頁中一五行第五字「能」，**資**、**磧**、**普**、**南**、**徑**、**清**作「倍」。

一 一九六頁中一四行第二字「迭」，**資**、**磧**、**普**、**南**、**徑**、**清**作「遞」。

一 一九六頁下七行第三字「裝」，**資**、**磧**、**普**、**南**、**徑**、**清**作「莊」，下同。

一 一九七頁上七行末字至八行首字
「增修」，**資**、**磧**、**普**、**南**、**徑**、**清**作

「故增修行」。

一 一九七頁上二二行「修集」，**徑**、**清**作「修習」，下同。

一 一九七頁中一八行「舍利」，**石**、**資**、**磧**、**普**、**南**、**徑**、**清**作「牙」。

一 一九九頁中五行第二字「迦」，**資**、**磧**、**普**、**南**、**徑**、**清**作「加」。

一 一九九頁中九行第五字「遠」，諸
本作「達」。

一 一九九頁中二〇行第三字「大」，**石**作「能」。



大悲經卷第三

高齊天竺三藏那連提耶舍譯

禮拜品第八

尔時世尊復告阿難若有衆生聞佛名者我說是人畢定當得入般涅槃阿難若有稱言南無佛者此有何義阿難白言佛是一切諸法之本佛是眼目能引導者佛是演說一切法者善哉世尊願為比丘解釋此義我今親承得聞受持尔時世尊復告阿難諦聽諦聽善思念之吾當為汝分別解說尔時阿難聞佛語已而白佛言願樂欲聞佛言阿難所言南無佛者此是決定諸佛世尊名号音聲阿難以是決定諸佛名号音聲義故稱言南无諸佛阿難我為是義故說譬喻今諸衆生於此法中增益信心復令一切諸善男子善女人聞佛世尊名号音聲深得敬信阿難曾於過去有大商主將諸商人入於大海到彼海已其船卒為摩竭大魚欲來吞噬阿難尔時商主及諸商人心驚毛豎憂

愁不樂恐命不濟无救無護无歸無趣各皆悲泣呻踰憂悔種種悲歎嗚呼痛哉彼閻浮提如是可樂如是布有世間人身如是難得我今當與父母離別兄弟姊妹婦兒親戚朋友別離我更不見亦不得見佛法衆僧極大悲哭憂悲不樂各皆祈請諸尊神天欲求自濟阿難尔時商主正見明遠於佛法僧心得淨信更不信事諸餘天神尔時商主告諸商人諸人當知若欲存濟免此危難得解脫者汝等應當一時同聲隨我所說假令我等不得解脫後生善道時彼商人聞此語已各言商主我當從教唯願速說阿難尔時商主偏袒右肩右膝着地住於船上一心念佛合掌禮拜高聲唱言南无諸佛得大無畏者大慈悲者憐愍一切衆生者如是三稱時諸商人亦復同時合掌禮拜異口同音唱言南无諸佛能施無畏者大慈悲者憐愍一切衆生者如是三稱尔時彼摩竭魚聞佛名号禮拜音聲生大愛敬得不殺心時摩竭魚聞即閉

大悲經卷第三 第四

口阿難亦時商主及諸商人皆悉安
隱得免魚難船及商人所願得稱安
隱而還到闍浮提時摩竭魚聞佛音
聲心生喜樂更不敢食餘諸衆生因
是命終彼命終已得生人中生人中
已於其佛所聞法毗丘深得淨信捨
家出家得出家已近善知識謙下供
養得阿羅漢道具足六通於無餘涅
脥界而般涅脥阿難汝觀彼魚生畜
生道得聞佛名聞佛名已得生人道
因生人道便得出家得出家已即便
得證阿羅漢果得阿羅漢已便般涅
脥阿難汝觀諸佛神力如是彼魚聞
已獲得神通名号稱譽畢定利益何
况有人得聞佛名聽聞正法親於佛
所種諸善根而不畢定利益阿難如
我昔說作少善根得少分報滿分善
根得滿分報阿難所言少分善根者
是人為欲速成熟故種聲聞種子作
聲聞乘以是善根得滿聲聞地種緣
覺種子作緣覺乘以是善根得滿緣
覺地阿難以是因緣我說少分行阿
難言滿分行者是人從無始來於諸佛

大悲經卷第三 第四

所種佛種子一切善根久遠修行以
是善根因緣力故得值諸佛值諸佛
已為欲積集滿足菩提諸善根故滿
足菩提諸善根已得成佛道所謂如
來應供正遍知聲震於世是名滿分
行阿難此滿分行如我諸經昔已廣
說如是次第汝應當知若少分行得
少分果若滿分行得滿分果
阿難如我經中亦復說言乃至受持
四句偈等如是說者我為鈍根薄德
少智諸衆生故隨宜而說阿難我為
一切無歸衆生為作歸趣無舍衆生
為作舍宅無護衆生為作救護無明
衆生為作燈明盲無目者為作眼目
阿難一切外道癡冥無智不能自救
何能救他而作歸趣阿難我為一切
天人教師憐愍一切諸衆生者於當
來世法欲滅時當有比丘比丘尼於
我法中得出家已手牽兒臂而共遊
行從酒家至酒家於我法中作非梵
行彼等雖為以酒因緣於此賢劫一
切皆當得般涅脥阿難何故名為賢
劫阿難此三千大千世界劫欲成時

大悲經卷第三 第四

盡為一水時淨居天以天眼觀見此
世界唯一大水見有千枚諸妙蓮華
二蓮華各有千葉金色金光大明普
照香氣芬薰甚可愛樂彼淨居天因
見此已心生歡喜踊躍无量而讚歎
言奇哉奇哉希有希有如此劫中當
有千佛出興於世以是因緣遂名此
劫号之為賢阿難我滅度後此賢劫
中當有九百九十六佛出興於世拘
留孫如來為首我為第四次後弥勒
當補我處乃至最後盧遮如來如是
次第汝應當知阿難於我法中但使
性是沙門汗沙門行自稱沙門形似
沙門當有被著袈裟衣者於此賢劫
弥勒為首乃至最後盧遮如來彼諸
沙門如是佛所於無餘涅脥界次第
當得入般涅脥無有遺餘何以故阿
難如是一切諸沙門中乃至一稱佛名
一生信者所作功德終不虛設阿難
我以佛智測知法界非不測知阿難
所有白業得白報黑業得黑報若有
淨心諸衆生等作是稱言南無佛者
阿難彼人以是善根必定涅脥得近

涅槃流注相續入涅槃際何況值佛
在世親承恭敬謙下迎送尊重供養
及佛滅後供養舍利者阿難彼沙門
性汙辱沙門自謂沙門形似沙門者
乃至應有一稱佛名何況餘心能生
敬信種諸善根阿難我為是義說如
是偈

諸佛如是不思議 佛之正法亦復然
若能敬信不思議 必當獲得不思報
過去一切諸如來 能作光明悲愍者
亦曾供養大勢佛 悟勝菩提不可數
我昔與檀常相應 布施愍濟諸眾生
淨信根深勤精進 以勤精進化一切
愛重眾生如父母 兄弟親戚諸知識
於諸親戚無瞋恨 悟勝菩提不可數
我求安樂菩提時 於無量劫行布施
悲心憐愍眾生故 捨身頭目肌肉血
亦捨無量重王位 所愛妻妾及男女
無量寶乘為馬車 為求取勝菩提故
無量千萬億劫時 數數精勤而馳走
淨心無量行布施 為求此勝菩提故
忍受無量眾苦惱 冰寒毒熱及飢渴
發勤精進死不捨 為求取勝菩提故

我若百年及一劫 說其行相不可盡
悲愍一切眾生故 為求安樂勝菩提
輪迴生死常值遇 百千億數諸如來
彼諸如來大勢力 常以金花而奉獻
銷饒飲食及衣服 塗香末香眾花鬘
多億寶幢勝幡蓋 供養如是諸如來
無量多億諸眾生 輪迴生死無有邊
我常到彼而安慰 勝檀廣益一切眾
尸羅羸提勤精進 禪定三昧慧方便
身等念處四正勤 善修習行四神足
亦修五根及五力 七菩提分八聖道
一切助道我修習 怖求此勝菩提故
我以正智修諸業 無有一切諸不善
常不放逸修諸行 曾無一豪之過惡

大悲經善根品第九
亦時世尊復告阿難若有眾生於諸
佛所一發信心如是善根終不敗亡
何況復作諸餘善根阿難我為眾生
知彼義故而作譬喻諸有智者以喻
得解阿難譬如有入拈破一毛以為
百分取一分毛需一滴水持至我所而
作是言瞿曇我以此水寄付瞿曇莫
令此水而有增減亦復莫令風日飄

曝乾竭此水不令鳥獸飲之令盡勿
使異水而有和雜以器盛持莫置在
地如來亦時即受彼寄受彼寄已置
恒河中不令入迴亦復不令餘物揩
突如是水滲在大河中隨流而去使
不入迴復無遮導諸鳥獸等亦不飲
盡如是水滲不增不減一等如故共
大水聚漸入大海若是水滲毗嵐風
起壞世界時假使是人住世一劫我
亦如是得住一劫彼人亦時至劫盡
時而來我所作如是言瞿曇我本寄
水今有無耶阿難如來亦時知彼水
滲在大海中見知住處不與餘水共
相和雜不增不減平等如故持還彼
人阿難如是如來應正遍知有大神
通有大威力有多堪能清淨大智不
可量智無尋知見如是等事明了無
障於受寄人中寂尊寂勝若於佛所
寄付如是微細水滲經於久遠而不
虧損此義應知阿難細毛端者喻心
意識恒河者喻生死流一滴水者喻
一發心微少善根大海者喻佛如來
應正遍知所寄人者喻彼清信婆羅

門長者居士等住一切者喻佛如來受彼寄水終不虧損亦如彼人寄彼水滯經於久遠不虧一毫如是阿難若於佛所一發信心善根不失何況諸餘勝妙善根我說是人一切志是趣涅槃果乃至盡涅槃際阿難設復有人於如來所得一發心一生敬信以餘不善惡業障故墮在地獄畜生餓鬼以本造業自作自受若大慈悲諸佛世尊出興於世以無鄣導智如此衆生本作善根以餘不善惡業鄣故墮在地獄佛知是已從彼地獄拔之令出安置岸上無所畏處安置岸已復令衆生憶念往昔所作善事而教之言善男子汝等應當憶念往昔所種善根如是善根在於某時某世界中於某佛所修行種殖彼諸人等承佛威力即得憶念得憶念已作如是言如是婆伽婆如是修伽陀佛復告言善男子汝等昔於諸如來所種少善根不虧不損於彼得利所謂息一切苦得一切樂善男子汝得來此是佛境界汝於長夜行非境界從无始

來生死流轉汝於佛所種少善根終不虧損譬如王子若王大臣設有餘過聞在牢獄說本事緣令其改悔放之令出如是阿難彼諸衆生本於如來所種善根設作餘惡不善業故若墮地獄畜生餓鬼諸惡道中若大慈悲諸佛世尊出興於世本以發心善根因緣所加持者佛皆見知於地獄中拔之令出安置涅槃清涼岸上無所畏處置無畏處已令其憶念而教之言善男子汝當憶念以本造作善根因緣得如是報彼諸衆生作如是言如是婆伽婆如是修伽陀我等承佛威神加故如是憶知
大悲經布施福德品第十
尔時世尊復告阿難汝應當知如是等輩作少善根終不虛設乃至發心生一念信我說是人皆得涅槃盡涅槃際以是義故故作譬喻令諸清信男子女人深得淨信轉復敬重生大愛樂歡喜踊躍阿難如捕魚師為得魚故在大池水安置鈎餌令魚吞食魚吞食已雖在池中不久當出何以

故如是等魚為彼堅牢鈎繩所中雖復在水當知是魚必在岸上何以故如是鈎繩繫岸樹故時捕魚師來到其所即知得魚便牽鈎繩安置岸上隨意所用如是阿難一切衆生於諸佛所得生敬信種諸善根修行布施乃至發心得一念信雖復為餘惡不善業之所覆障墮在地獄畜生餓鬼及諸難處若佛世尊出興於世以佛眼觀見諸衆生行菩薩乘若緣覺乘若聲聞乘此諸衆生種諸善根此諸衆生斷諸善根此諸衆生墮在退分此諸衆生在勝進分此諸衆生種種種子置賢聖地於佛福田乃至發心一生敬信修行布施以此善根諸佛世尊以佛眼觀見此衆生發心勝故從於地獄拔之令出既拔出已置涅槃岸置涅槃已令其憶念本於某佛種諸善根彼憶念已作如是言如是婆伽婆如是修伽陀佛言善男子汝等以此善根得大果報得大利益以於佛所修行布施種善根故善男子如是寄者終不虧損假使久遠乃至

百千億那由他劫彼一善根必得涅槃盡涅槃際阿難所言魚者喻諸凡夫池者喻生死海鈎喻佛所殖一善根繩喻四攝捕魚師者喻佛如來隨意用魚喻諸如來安置衆生於涅槃果阿難如是次第汝應當知若施佛田假使久遠終不敗云終無窮盡无有邊際必當趣涅槃果阿難我今當復更作譬喻若施佛田得第一涅槃盡涅槃際阿難若有衆生貪世間報行世間行愛樂世間怖求世間於諸佛所修行布施以此善根迴向怖求人天善道復有衆生於諸佛所種諸善根作如是言以此善根願我世世莫入涅槃阿難是等衆生以此善根不入涅槃无有是處何以故阿難如是諸佛無上福田無諸荒穢亦無棘刺離欲垢過極甚清淨如是田中種少善根福德種子於餘田中不生長者於三種菩提能作種子若无上菩提若緣覺菩提若聲聞菩提彼諸善根終不差失以是布施心生敬信增上因緣得趣善道及清淨法必入涅槃

阿難譬如長者營田之時地不荒穢無諸荆棘及以凡礫糞壤肥良墾治調柔以新種子盛以寶器不腐不敗依於時節下種田中隨時溉灌鋤治料理於一切時常善護持阿難若是長者營田之士於餘時中到彼田所任在田畔作如是言咄哉種子汝莫作種莫生莫長我不求利亦不求報阿難於意云何可以田夫語故種子不生不作種也阿難言不也婆伽婆不也修伽陀彼必作果非無果實佛言如是如是阿難若有衆生樂著生死三有愛果於佛福田種善根者作如是言以此善根願我莫般涅槃阿難是人若不涅槃无有是處阿難是人雖不樂求涅槃然於佛所種諸善根我說是人必得涅槃盡涅槃際乃至佛所得一發心一生敬信種善根者一切皆當得般涅槃盡涅槃際阿難於當來世有邊地王彼雖不解佛法功德見佛精舍及見形像心生信者我昔曾於五道之中處處受生修行一切菩薩行時以四攝法布施

受諸利行同事攝彼邊王阿難彼邊地王見我精舍及見形像心生敬信以此善根必得涅槃盡涅槃際阿難彼邊地王當有群臣并諸王子大臣輔佐親戚骨血及諸伴侶於我滅度後見我精舍及見形像雖不解知諸佛功德及佛正法少修善根心生信者我本修行菩薩行時亦曾以四攝法攝護彼等以是善根所加持故當得涅槃盡涅槃際阿難我於長夜憐愍衆生以四攝法長夜攝受以諸佛法利益養育阿難汝觀如來在路行時能令大地高處令下下者令高高下諸處悉得平正如來過後地輒還復一切樹林傾側向佛樹神現身佞頭禮拜如來過後樹輒還復丘陵坑坎屏廁臭穢荆棘叢林一切凡礫皆悉掃除嚴治平正清淨无穢馨香芬烈甚可愛樂衆華布地莊嚴光麗如來足履蹈上而過阿難汝觀如來本所修行諸善功德在路行時無有衆生而不傾側稽首礼者無情諸物大地山崖樹林藥草於佛行處无不傾

大藏經卷之三 第六十卷 阿難經

大藏經卷之三 第六十卷 阿難經

大藏經卷之三

第六十卷

側何以故阿難我本修行菩薩行時
 於諸師所傾側禮拜亦於父母第一尊
 重傾側禮拜者年長宿中年少年親
 友骨血無不傾側於佛菩薩善知識
 所聲聞緣覺及以外道五通諸仙沙
 門婆羅門如是一切應受供人諸佛
 菩薩及善知識聲聞緣覺外道諸仙
 沙門婆羅門父母兄弟親友骨血及餘
 耆年中年少年同師等侶无不傾側
 識下禮敬阿難我以如是善業報故
 於無上菩提得成佛已彼諸事物有
 情无情如來行時無不傾側伍頭禮
 拜阿難我本曾以清淨微妙稱意資
 產至心自手施諸師長及餘衆生阿
 難以是業報如來行時大地平正掃
 灑嚴治清淨無垢又无凡礫阿難我
 於無量諸如來所菩薩知識聲聞緣
 覺外道諸仙在路行時我昔曾與揭
 治道路泥治房舍若行若住於佛精
 舍我以慈心平等心無高下心无諂
 曲心清淨心掃治令淨於一切時常
 求阿耨多羅三藐三菩提為一切衆
 生故安樂一切衆生故憐愍一切衆

生故利益安樂諸天人故阿難以是
 善根若佛如來在在處處若行若住
 若坐若思惟念欲行來路首自然街
 巷清淨地平如掌阿難如來所有身
 業功德殊勝難知不可得邊阿難我
 今為欲滿此義故當有清信善男子
 善女人於如來所深生敬信得未曾
 有阿難須彌山王高八万四千由旬
 在大海中亦八万四千由旬阿難假
 使我滅度時如此堅固高大山王无
 不傾側何況諸餘黑山藥草叢林若
 不傾者無有是處阿難且置堅固須
 彌山王所有鐵圍山高十六万八千
 由旬彼等亦是金剛堅固佛涅槃時
 無不傾側伍頭禮敬若欲遠避不傾
 側者亦無是處何以故阿難我本修
 行菩薩行時一切衆生所作事業終
 不別離若有衆生瞋恚乖張我令
 合昔不和者能令合堅固安住具
 足不壞各生慈心愍心阿難以是善
 根因緣力故如來獲得不可壞身亦
 令眷屬堅固不壞阿難如來復獲眷
 屬堅固不可壞法所謂四念處四正

勤四如意足五根五力七覺分八聖
 道分阿難此三十七助菩提法是佛
 如來大眷屬所有諸佛聲聞緣覺安
 住其中一切世間諸天人衆所不能
 壞何以故阿難佛以是法一切世間
 諸天魔梵沙門婆羅門及諸眷屬天
 人阿修羅及須彌山大鐵圍山大地
 草木佛涅槃時无不伍頭傾側而向
 何能破壞若有壞者無有是處何以
 故阿難如來身者不可破壞佛之舍
 利亦不可壞阿難如來憐愍一切衆
 生以本願故碎此舍利令如芥子為
 令佛法增廣流布阿難如來本修菩
 薩行時發如是願我於阿耨多羅三
 藐三菩提成正覺已般涅槃後令我
 舍利增廣流布阿難以本願故我滅
 度後令此舍利增廣流布彼諸衆生
 見佛如來般涅槃故得聖道果佛為
 憐愍彼等衆生分此舍利令如芥子
 阿難如來應正遍知臨般涅槃時憐
 愍世間諸衆生故入如是三昧分此
 舍利令如芥子然如來身不受苦痛
 一切支節分散解時能令舍利猶如

芥子時佛如來无有苦痛乃至如是
 憐愍攝受彼諸衆生及攝未來諸衆
 生故令得安隱諸善道故供養舍利
 尊重迎送謙下供養種種莊嚴種種
 華香塗香油末香衣服幢幡及衆寶蓋
 歌舞音樂我說彼等當得涅槃果乃
 至盡涅槃際阿難我滅度後一百年
 中於波離弗城當有國王名阿輸迦
 於孔雀戶種姓中生以法治世彼於
 我法當得敬信得敬信已令我舍利
 增廣流布一日一時起八万四千塔安
 我舍利阿難汝莫憂愁我之舍利於
 天人中當廣流布阿難且置現在供
 養如來且置我滅度後供養舍利如
 芥子者阿難若有夢中見佛精舍心
 生敬信我說彼人以此善根當得涅
 槃得第一涅槃盡涅槃際阿難於未
 來世所有諸佛出興於世是諸如來
 無不稱我功德行者亦如我今稱讚
 過去諸佛功德未來諸佛稱我名字
 亦復如是阿難我說法時凡諸衆生
 遠塵離垢得法眼者阿難彼諸衆生
 我本修行菩薩行時一切皆悉先已

成熟阿難若施僧田功德有盡施四
 方僧功德亦盡施辟支佛所作功德
 於中不盡若於佛所作功德者不可
 窮盡復次阿難如我前說諸福田所
 作功德者皆悉當得涅槃果盡涅槃
 際阿難且置親承供養我者且置我
 滅度後供養我舍利者阿難若有念
 佛乃至一華散於空中我以佛智見
 彼善根不可量不可說阿難彼等衆
 生所作善根以念佛心乃至一華散
 空中者盡此劫來馳走流轉從初至
 末不可得知於流轉時於如來所奉
 散一華所得果報不可稱說或作梵
 天王釋天王轉輪聖王以其善根不
 可盡故必得涅槃盡涅槃際何以故
 阿難如是諸佛大神通所奉施一華
 得如是等无量福報廣大利益大功
 德聚不可稱量無有邊際必當趣涅
 槃界阿難若於佛所作功德者當得
 如是不可稱量無邊福報乃至佛所
 得一發心生一念信者我說是人梵
 行究竟安隱究竟盡究竟際是故阿
 難若有善男子善女人欲求梵天王

轉輪聖王護世四天王三十三天夜
 摩天梵率臨天化樂天他化自在天
 及餘諸天諸龍夜叉乾闥婆阿修羅
 迦樓羅緊那羅摩睺羅伽人非人等
 一切世間主得自在者應當如是尊
 重迎送恭敬供養諸佛世尊欲憐求
 齊聞地者辟支佛地者及求无上三
 藐三菩提者如是善男子善女人亦
 應如是恭敬尊重謙下供養阿難我
 昔為求阿耨多羅三藐三菩提時於
 无量佛無量百佛無量百千佛乃至
 無量億那由他百千佛所恭敬尊重
 謙下供養衣服飲食牀座卧具病瘦
 因緣所須湯藥若行若住若坐若卧
 以諸華鬘塗香油末香栴檀沉水幢幡
 寶蓋供養彼佛彼佛滅後起立塔廟
 種種莊嚴以諸香花塗香油末香歌舞
 嬉戲百千伎樂恭敬尊重謙下供養
 憐愍世間諸衆生故利益安樂諸天
 人故未得度者欲令得度未解脫者
 令得解脫未安隱者令得安隱未涅
 槃者令得涅槃故阿難我以五莖優
 波羅華散然燈佛於彼即悟无生法

大悲經卷第三 第二十一

大悲經卷第三 第二十五

大悲經卷第三 第二十五

忍如是善根是少分報阿難我於然
 燈如來應正遍知所散五莖華及餘
 善報少分福報汝欲知不阿難自言
 如是世尊願樂欲聞如是婆伽婆如
 是修伽陀今正是時唯願世尊分別
 顯示於然燈佛種少善報所得果報
 尔時世尊舒金色右臂以一小指放
 天優波羅華香遍滿三千大千諸佛
 世界百億日月所流行處無不周遍
 令時世尊於諸天人阿修羅中現此
 奇特未曾有法於諸佛所種少善根
 所得福報示現不虛不虧損故尔時
 世尊而說此偈

諸佛不思議 如來法亦然 能信不思者
 必獲不思報 有想无想等 一切諸衆生
 無量百億劫 一切悉供養 所有辟支佛
 无漏阿羅漢 不可思議劫 供養彼一切
 正覺若住世 若佛涅槃後 乃至一合掌
 此福勝於前 佛或无缺漏 三昧得自在
 於法無疑惑 佛眼無不了
 若於善道修慈者 若晝若夜少時間
 如是供養福无量 三界無等无有比
 過去阿僧祇劫中 於諸世間導師所

諸天人中作光明 修諸善業不可數

阿僧祇劫流轉時 受彼福報不可盡

我以彼福為因緣 能得如是勝菩提

我昔憐愍衆生故 无量百千億佛所

世世常修勝供養 佛不與我授記劫

彼佛世尊人中上 知我善根未純熟

雖行諸善不得記 以我無是勝忍故

我又見彼然燈佛 奉散五莖優波羅

布疑淹泥令佛蹈 即悟无生勝法忍

時彼導師然燈佛 即授我記昇虛空

汝於來世阿僧祇 當得成佛号釋迦

從此生死流轉來 修行无量諸善業

愍衆生故受諸苦 為求如是勝菩提

我見世間孤獨苦 悲心憐愍常布施

彼福無限无有量 導師廣說不能盡

我為菩薩修行時 於諸善逝佛世雄

晝夜稱名而供養 无量億劫不可數

一三三四五至十 二十三十略稱名

愍諸衆生故修行 取勝佛本所供養

如我本修苦行時 无量衆苦我忍受

世世不捨菩提心 一切諸佛無能比

我為无上正法時 深心樂求不可量

布施持戒及忍辱 精進覺悟勝菩提

諸佛勢力不思議 以諸功德所建立

能演正法不思者 亦能顯示勝菩提

大悲經殖善根品第十一

尔時世尊復告阿難言我從然燈佛

來次復值佛名蓮華上我以金華奉

散彼佛為求阿耨多羅三藐三菩提

故次復值佛名一切世間最勝自在

我以銀華奉散彼佛為求如是一切

種智次復值佛名極高行我把寶錢

奉獻彼佛為求如是不可知智次復

值佛名日上譽我把衆寶奉獻彼佛

為求如是无障身智次復值佛号釋

迦牟尼我以雜華散彼佛上為求如

是无上菩提次復值佛名曰帝沙我

以赤旃檀末塗散彼佛亦復為求無

障身智次復值佛名曰弗沙我以深

信七日七夜目不暫瞬以無量偈讚

彼世尊次復值佛名毗婆尸我復以

豆散彼世尊次復值佛名曰尸棄我

以無價寶衣奉上彼佛次復值佛名

毗舍浮我以銷鑊飲食供養彼佛世

尊阿難此賢劫初次有佛與名拘留
孫我於彼所淨修梵行為求如是自
然智故次復值佛名拘那含牟尼我
於彼佛修行梵行次復有佛名曰迦
葉時我於彼亦修梵行我於是等
一切佛所為求阿耨多羅三藐三菩
提為自度亦為度未度者自得解脫
亦為未解脫者令得解脫自得涅槃
亦為未涅槃者令得涅槃汝今觀我
供養亦許無量阿僧祇諸佛世尊恭
敬尊重讚下供養具足無量諸善功
德為求如是阿耨多羅三藐三菩提
故阿難如是次第汝應當知雖於佛
所種少善根當得如是大神通大利
益廣大功德阿難我於佛所種殖如
是不可思議菩提善根今得如是不
思議報無等無敵無有邊際汝應當
信今時世尊重說偈言

我於然燈兩足尊 值遇修行菩薩行
五莖青蓮散彼佛 即時記我無上道
次有佛名蓮華上 我時亦復得值遇
以金寶華散彼佛 為求寂勝菩提故
次復有佛大導師 名諸世間寂自在

擡高上行及上譽 釋迦帝沙弗沙佛
毗婆尸棄毗舍浮 拘留孫佛拘那含
迦葉佛等皆供養 為求寂上勝菩提
此等及餘過去佛 我皆修行勝供養
悲愍一切衆生故 為求無上勝菩提
彼佛千億皆供養 積集善根已滿足
降魔勢力及眷屬 獲得無憂安隱道
我轉無上大法輪 為衆生故顯正法
天人龍等緊那羅 應菩提器我度竟
我已顯亦安隱道 未來諸佛及聲聞
若欲救度諸苦者 應當修習我德行

大悲經卷第三

校勘記

- 一 底本，金藏廣勝寺本。
- 一 二〇一頁下一行首字「愁」，磧、置、南、徑、清作「悲」。
- 一 二〇一頁下三行第二字「痛」，石作「奇」。
- 一 二〇一頁下七行末字至八行首字「神天」，石作「天神」。
- 一 二〇一頁下九行首字「遠」，石、資、磧、普、南、徑、清作「達」。
- 一 二〇一頁下末行末字至二〇六頁上一行首字「閉口」，資、磧、普、南、徑、清作「口閉」。
- 一 二〇二頁上四行「餘諸」，資、磧、普、南、徑、清作「諸餘」。
- 一 二〇二頁下五行第三字「已」，石、資、磧、普、南、徑、清作「事」。
- 一 二〇三頁上九行第七字「議」，石作「者」。
- 一 二〇三頁下四行第七字「迴」，磧、

一 〔普、南、徑、清〕作「迴」。

一 二〇三頁下六行第二字「入」，〔磧、普、南、徑、清〕作「令」。

一 二〇三頁下六行第三字「迴」，〔資、磧、普、南、徑、清〕作「迴」。

一 二〇四頁上一〇行第一〇字「鄣」，諸本作「障」，下同。

一 二〇四頁中一九行第七字「故」，〔石、資、磧、普、南、徑、清〕作「我」。

一 二〇五頁中一行第七字「必」，〔磧、普、南〕作「心」。

一 二〇六頁上六行第一一字「供」，〔資、磧、普、南、徑、清〕作「供養」。

一 二〇六頁上一三行首字「拜」，〔石〕作「敬」。

一 二〇六頁上一三行第五字「本」，〔石〕作「今」。

一 二〇六頁上一二行第八字「令」，〔石〕作「清」。

一 二〇六頁中一三行「十六」，〔石〕作「六十」。

一 二〇六頁下八行「而向」，〔石〕作「向」。

佛」。

一 二〇七頁中五行「皆悉」，〔資、磧、普、南、徑、清〕作「悉皆」。

一 二〇七頁下六行第一二字「欲」，〔石〕作「若欲」。

一 二〇八頁上一四行末字「者」，〔徑、清〕作「議」。

一 二〇八頁上一五行第八字「元」，諸本作「無」。

一 二〇八頁中二行第一三字「可」，〔資、磧、普、南、徑、清〕作「能」。

一 二〇八頁中九行第三字「淹」，〔南、徑、清〕作「掩」。

一 二〇八頁中一九行「本所」，〔資、磧、普、南、徑、清〕作「所本」。

一 二〇八頁下四行第七字「者」，〔石〕作「議」。

一 二〇八頁下一四行第一三字「号」，〔石、資、磧、普、南、徑、清〕作「名」。

一 二〇九頁上一二行第九字「時」，〔石〕作「佛」。



大悲經卷第四

賓

高齊天竺三藏那連提耶舍譯

以諸辟喻付囑正法品第十二

尔時世尊復告慧命阿難言且置我
 今得菩提時功德利益若我本行菩
 薩道時功德利益緣覺尚無何況聲
 聞及餘衆生阿難我菩薩時久修苦
 行棄捨王位婦兒妻子及諸姝女身
 命手足頭目耳鼻五內骨髓及受種
 種无量苦痛彼等一切悉為汝等怖
 求阿耨多羅三藐三菩提故阿難一
 切難捨我悉已捨所受衆苦悉為衆
 生阿難此等功德若我廣說則不可
 盡如有聞者心則迷悶况有說者阿
 難若有衆生起一念心悲愍釋迦今
 已如來應供正遍知本昔修行菩薩
 苦行作如是言為我等故具受無量
 種種苦痛難為之事阿難我說彼等
 一發心者必定當得寂後涅槃何况
 我所種善根者阿難或有愚人湯捍
 无信聞我本修菩薩苦行乃至不生
 一念悲心不言如來有大利益亦不

敬信是故所有殊勝行者能得涅槃
 阿難如是功德利益勝法緣覺所無
 何況一切聲聞凡夫所能有也阿難
 諸有修行菩薩行者所得大悲亦非
 緣覺所能有也阿難若有如我修菩
 薩行者得於大悲得大悲已悉皆當
 得阿耨多羅三藐三菩提是故此法
 大悲大悲之所攝也以是因緣緣覺
 所無以是義故彼不得作如來應供
 正遍知不具十力四無所畏大悲大
 悲阿難我知本昔修菩薩行推求善
 法於彼生死心常驚怖於諸衆生修
 大悲心而於夢中見大鐵圍有崩倒
 處世界中間有諸衆生在大地獄為
 彼欲卒之所逼切身體碎壞周遍熾
 然猶如火聚受大苦切如奪命苦我
 詎其所彼諸衆生合掌禮拜而作是
 言仁者汝今受樂我等今受地獄之
 苦楚毒難忍如奪命苦无救無護无
 歸无趣大丈夫若欲救我如是昔者
 必定堪能阿難我時於彼地獄衆生
 起大悲心即於夢中悲泣流淚如恒
 河水我時安慰彼衆生言諸仁者莫

大悲經卷第四 第三張 第六

生怖畏我令汝等脫是苦聚阿難我
 時令彼地獄衆生集在一處以其右
 手普摩其頂而告之曰諸仁者莫生
 怖畏我當必定救度汝等作是語已
 地獄火聚即時得滅其諸衆生於刹
 那頃得受安樂阿難我於尔時從愛
 悟已振衣取淚以器盛置阿難我本
 如是具大悲法修菩薩行何況今得
 阿耨多羅三藐三菩提阿難汝應當
 知如是之法亦非緣覺所能有也何
 况聲聞凡夫人等阿難若有此法者
 是修菩薩行阿難當觀如來本昔所
 修菩薩行時於諸衆生具足如是憐
 愍利益大悲之心如是功德若我具
 以口業宣說不得邊際阿難過去之
 世有大商主為採寶故將諸商人入
 於大海彼所乘船衆寶悉滿至海中
 聞其船平壞時彼商人心懷怖畏極
 生憂惱其中或有得船板者或有浮
 者有命終者阿難我於尔時作彼商
 主在大海中用以浮囊安隱而渡時
 有五人呼商主言大士商主唯願思
 施我等無畏說是語已尔時商主即

大悲經卷第四 第四張 第七

告之言諸丈夫勿生怖畏我令汝等
 從此大海安隱得渡阿難彼時商主
 身帶利劍而作是念大海之法不居
 死屍如其我今自捨身命此諸商人
 必能得渡大海之難作是念已即喚
 商人置己身上令善捉持彼諸商人
 有騎背者有抱肩者有捉膝者尔時
 商主為欲施彼无怖畏故大悲脩心
 起大勇猛勵身心力即以利劍斷已
 命根速取命終于時大海測其死屍
 置之岸上時五商人便得渡海安隱
 受樂平吉無難還闔浮提阿難彼時
 商主豈異人乎我身是也五商人者
 今五比丘是也是五比丘昔於大海
 而得渡脫今復於此生死大海而得
 渡脫安置无畏涅槃彼岸阿難汝今
 當觀修何苦行具足去何无量功德
 得為菩薩摩訶薩也阿難如是功德
 次第應知亦非緣覺所能有也阿難
 如諸菩薩功德如是諸辟支佛無此
 法故不作如來應供正遍知不成阿
 耨多羅三藐三菩提阿難以能如是
 修諸苦行得為菩薩大悲憐愍一切

大悲經卷第四 第五張 第八

衆生阿難復有愚人於我佛所不生
 敬信以是因緣不得作阿耨多羅三
 藐三菩提根本種子亦不得證無上
 涅槃彼若於我心生敬信即便得作
 菩提種子能證涅槃阿難修少分行
 得少分功德修滿足行得滿分功德
 阿難我當更說餘行決定若有衆生
 乃至能發一念敬信以此善根得為
 種子何況復種種勝上善根阿難若於
 佛所種善根者乃至一念發心念佛
 我說彼等猶如甘露寂後甘露阿難
 行者應當以一切種而念如來所謂
 念於如來所念念如來善根念如來
 姓日姓不相似以昔蔗種上姓生故
 姓日者為離諸闇而作光明阿難我
 生種種故種種姓清淨向難當念如來
 生念如來種族念如來姓念如來積
 財具足念如來端正念如來所生國
 土念如來相念如來隨形好念如來
 十力念如來四无所畏念如來十八
 不共法念如來所生具足念如來可
 美念如來無愚癡念如來本行具足
 念如來願具足念如來戒定慧解脫

解脫知見具足念如來慈悲喜捨具足念如來威儀具足阿難若有人隨所念佛彼彼功德得大神通大利益廣大功德猶如甘露第一甘露家後甘露阿難我於往昔為菩薩時行檀波羅蜜我以佛智觀彼功德不得邊際何況所修尸波羅蜜羣提波羅蜜毗梨耶波羅蜜禪波羅蜜般若波羅蜜如是等諸餘功德若彼菩薩未得授記所有功德佛智觀察不得邊際何況授記所有功德乃至何況得成佛時一切功德於百千億那由他劫觀察宣說不得邊際何以故如來應供正遍知功德无量阿難我以實智觀此利益如是說也若有憶念我菩薩時功德利益心生敬信以此善根悉皆當得後際涅槃是故阿難汝莫憂悲我為令汝與諸天人作大利益作大攝受已說道法令彼得向無上安隱後際涅槃汝等於此勤修方便慎莫放逸

今時世尊告諸比丘言吾今後夜當般涅槃汝等今者最後見我最後受

化最後合會汝等從今更不見我我亦不復見於汝等汝諸比丘止莫憂悲一切所愛稱意之物皆當離散諸比丘生法有法有為法差別法覺知法因緣所生敗壞之法若不滅者無有是處諸比丘假使久住會當去矣諸比丘凡有生者无不有死一切諸行無有常定究竟不變諸比丘生死是苦涅槃是樂汝若欲令未得者得未達者達未證者證當勤求之諸比丘勤修方便慎莫放逸諸佛世尊以不放逸故得阿耨多羅三藐三菩提及餘一切助道善法是故汝等當受我化

今時大衆比丘比丘居優婆塞優婆夷天龍夜叉乾闥婆阿修羅迦樓羅緊那羅摩睺羅伽釋天梵天四天王等得聞如是最後教已愁苦不樂為憂箭所射啼哭流淚極大號叫作如是言婆伽婆入般涅槃一何駛哉修伽陀入般涅槃一何駛哉世間眼滅世間音冥一何疾哉我今去何與衆生寶別離太速

今時阿難聞是語已瞻仰如來目不暫瞬即便思惟悲號啼哭放身投地猶如斫倒臨峻大樹

今時世尊告阿難言止莫憂悲我向豈不如是語汝一切稱意所愛之事皆當別離生法有法有為法差別法覺知法因緣所生敗壞之法若不滅者无有是處慧命阿難聞是語已即白佛言婆伽婆我何得不愁修伽陀我何得不悲我與如是衆生之寶衆生共乘衆生道師世間所求世間歸趣天人大師當有別離是故婆伽婆我何得不愁修伽陀我何得不悲世尊我與如是大悲憐愍一切衆生世間親友一切世間眼目之寶作光明者當有別離而我自性心不破裂以為百分世尊我復自性而得住此不取命終世尊又我自性身不破壞猶如麥莖世尊我復思惟今得如是不命終者皆由如來神力加故婆伽婆我那得不愁修伽陀我那得不悲今者如是衆生共乘世間導師憐愍世者明當不住更不可見

余時佛告慧命阿難言汝愛我耶阿
 難言甚愛娑伽婆甚愛修伽陀佛言
 阿難云何愛我阿難言我愛世尊非
 以口業言說可盡亦不可以喻况能
 盡娑伽婆我愛如是修伽陀我愛如
 是世尊我為如來棄捨身命亦无怪
 惜娑伽婆我愛如是修伽陀我愛如
 是世尊我愛如來唯佛證知娑伽婆
 我愛如是修伽陀我愛如是
 余時世尊復告阿難汝若愛我申汝
 右手來余時阿難即舒右手于時世
 尊以金色右手其掌柔軟色如紫礦
 執阿難手而作是言阿難汝若愛我
 應當為我而作愛事何者為我所作
 愛事我於無量百千億那由他阿僧
 祇劫所習阿耨多羅三藐三菩提大
 法寶藏付囑於汝汝當隨順如我所
 轉當如是轉令得廣行而不斷絕莫
 作中間滅法人也阿難我今為汝當
 作護持令佛所說正法毗尼而得增
 長不退滅故不失壞故我今說喻諸
 有智者從喻得解譬如貴族巨富長
 者豪富饒財多諸庫藏所須之物無

不具足如是財寶不共他有種姓具
 足籍貫淵遠所生因緣悉亦具足如
 是長者生育一子子既長大勤教令
 學歷算書印及餘種種深密工巧深
 密智慧子既學已後時長者語其子
 言我今於汝所作已竟汝既學得歷
 算書印深密工巧深密智慧今日是
 我取後教勅一切財寶是我所有我
 今悉當付囑於汝汝從今日當學三
 事可得存我門族舊業何等為三一
 者欲二者精進三不放逸如是豪貴
 巨富長者如是善巧教其一子而彼
 一子狂惑放逸父母財產費用皆盡
 阿難於意云何彼長者子受父教不
 阿難言不也婆伽婆不也修伽陀佛
 言阿難如是長者為與其子作父事
 不阿難言作也婆伽婆作也修伽陀
 佛言阿難如來則為世間之父汝如
 一子今日是我取後教誡付囑於汝
 我此百千億那由他阿僧祇劫所習
 无上法寶庫藏汝等亦應學於三事
 何等為三一者欲二者精進三不放
 逸如是汝等若住三事我此阿僧祇

劫所習无上法寶庫藏則得久住未
 達善法者令得通達已通達者令不
 退失是故汝等應當堅持我此阿僧
 祇劫所習阿耨多羅三藐三菩提法
 寶庫藏未住三事者令住三事未達
 善法令得通達已通達者令不退失
 何以故我為慈悲憐愍利益諸世間
 故為令彼等得安樂故阿難我與世
 間已作父事親友事竟我於汝等應
 作已作復次阿難我於阿僧祇劫所
 習阿耨多羅三藐三菩提法三事因
 緣當有隱沒何等為三一者無信二
 者不住決定之行三者不懺悔是故
 阿難今當護持正法寶藏為住深信
 決定懺悔應作欲進不放逸等三事
 方便如是汝等於我法尊世間之父
 如其子事應作已作阿難以是義故
 我復說喻令此无上正法寶藏而得
 成就增上付囑以此喻故諸有智者
 聞說得解復得增上深愛敬信便生
 念言彼釋迦牟尼如來應供正遍知
 為我等故臨涅槃時以其右手執阿
 難手付囑於此阿僧祇劫所習阿耨

多羅三藐三菩提法辭如商主遠遊道路所應作者皆已作訖阿難於意云何而彼商主為當還家為在道住阿難言世尊彼來還家不在道住阿難如是如來世間之父世間親友世間導師是大商主以向釋多羅三藐三菩提智所應作者皆已作訖更无佛事而可作也一切衆生所應度者皆已度竟所應度者无不善調阿難有於三事不滿不得如來應供正遍知不般涅槃何等為三所謂菩薩摩訶薩未得住於不退轉法若於如來無上正法隱沒之時或經一切百劫千劫或百千劫百千億那由他劫未能得成向釋多羅三藐三菩提諸佛世尊雖涅槃時至見此菩薩善根未熟為令成熟住不退故以神通力加其自身住世不滅待此菩薩得不退已即時授其次第補處阿耨多羅三藐三菩提記是佛如來然後入於無餘涅槃是故我今與弥勒等无量百千億那由他菩薩摩訶薩授阿耨多羅三藐三菩提記令其住於阿耨跋

致此是諸佛憐愍衆生應作已作復次阿難若諸衆生應於如來當得解脫而未度者如來終不入於涅槃若佛世尊知彼无量百千億劫餘佛世尊未出於世若自世界若餘世界於五道中所有衆生或經一歲或百歲千歲或百千歲或百千億那由他歲乃至一劫若過一劫是等於我應得度脫不於一切聲聞緣覺而得度脫以佛智慧如是知已彼佛世尊雖涅槃時至憐愍彼故以神通力加其自身住世不滅乃至令彼得成熟已然後度脫阿難此是第二諸佛世尊應作已作然後入於無餘涅槃復次阿難如來所說若修多羅若毗尼若摩得勒伽所有深義非學无學聲聞大衆共議能知其衆中設有比丘生疑欲問敬重佛故恐畏惱亂不敢輒問於是如來應供正遍知佛智知已化作一比丘至如來所問言世尊此所作事云何而作佛即告彼化比丘言比丘此所作事應如是作阿難此是三事諸佛世尊必定須作

其事不滿不入涅槃彼等一切我於今者已作已說更无所作更無所說阿難我今已為諸聲聞說修學毗尼波羅提木又為盡苦故示於正道說行決定正作其事是故阿難汝等從今我不說者慎莫說之我所說者勿令斷絕阿難如我所說應如是學應如是作慎莫放逸樂不放逸故則得道果以是義故教勅汝等莫憂莫悲阿難吾今後夜當般涅槃我今當捨已之國土已之境界更不復來至此世界亦復不到他世界也他世界者後世生處汝等從今更不見我我亦不復見於汝等阿難我當入於無餘涅槃如是涅槃寂靜清涼无塵離垢一切苦息捨於窟宅無生无老無病无死無憂无悲無苦无惱無不稱意无諸悔恨無怨憎會無愛別離如恒河沙等諸佛世尊及與一切聲聞緣覺皆悉已去今去當去阿難汝今當觀我猶愛彼无餘涅槃有諸愚癡凡夫之人而不愛彼勝妙寂靜安樂涅槃亦復不能一念發心隨順解脫是人若能一念

大悲心經卷第四 第六十六

第六十六

第六十六

發心以是因緣即為種子當得涅槃
阿難一切凡夫何有是力一切凡夫
羸劣無力阿難我觀一切愚癡凡夫
猶如麥莖是故阿難愚癡凡夫何得
有力何得有安所有不能一念發心
順解脫者若能發心決定得為涅槃
種子阿難一切愚癡凡夫之人无有
戒力定力慧力阿難我已具足無量
佛力具足阿僧祇不可思議無量無
等戒定慧解脫解脫知見力慚力愧
力久積集力智力捨力福力慧力根
力加力具足十力猶故愛彼无餘涅
槃阿難有諸凡夫闇鈍无智少於知
法樂著生死牢獄纏縛乃至不能一
念發心隨順解脫當令彼等得為涅
槃根本種子阿難如是如來所讚所
說諸修多羅留在未來若佛滅後未
來世中有人得聞聞已發心即便得
入正法寶藏无餘涅槃界阿難我當
說喻令得增上深解其義阿難譬如
商主將諸商人涉於廣大曠野嶮路
免諸賊難到無畏城其中有人失伴
在後極甚怖畏尋跡而去逐諸商人

甚大苦惱得過嶮路見諸商伴阿難
如是如來成阿耨多羅三藐三菩提
已演說如是諸修多羅留在未來於
佛滅後有諸善男子善女人等若得
聽聞聞已發心到我所留正法寶城
无餘涅槃界到正法城已思惟憶念
護持顯說我法寶藏阿難我為一人
尚當付此無上正法令汝堅持何况
无量百千眾生是故我今以此億那
由他阿僧祇劫所習阿耨多羅三藐
三菩提正法寶藏付囑於汝汝等應
當善誦堅持為諸淨信四部大衆開
示分別莫作中間滅法人也阿難當
來之世有諸衆生不聞如是修多羅
義而生退沒是故阿難我當說喻譬
如豪貴巨富長者多饒財寶庫藏盈
滿資生所須皆悉具足然彼長者唯
有一子遠行他方時彼長者身遇重
病痛苦極甚臨命終時以多寶物摩
尼真珠琉璃珂貝金銀錢財寄餘長
者作如是言汝應當知我子既已遠
行他方然我今者身遇重病不久命
終為我子故以是无量庫藏財寶寄

付於汝如其我子他方來還為我教
之令莫放逸當令堅住不放逸法然
後付此庫藏寶物當付寶時應作是
言童子汝父往日臨命終時為於汝
故以此寶物寄付於我令我還汝是
汝已物應當領受慎莫放逸堅持守
護勿令損失尔時豪貴巨富長者作
是語已即以所有衆多寶物而寄付
之彼餘長者即便領受受已不久其
長者子他方而還彼餘長者所受寄
物悉不還之阿難於意云何是誰過
也慧命阿難白佛言世尊受寄者過
非餘人也何以故其受寄者親自受
彼豪貴長者衆多寶物不還彼子故
佛言阿難豪貴長者喻如來也臨命
終者喻於如來欲入涅槃言一子者
喻未來世有諸淨信善男子善女人
等遠行他方者喻流轉五道大寶藏
者喻於如來億那由他阿僧祇劫所
習无上大法寶藏受寄長者喻於汝
等諸大聲聞菩薩摩訶薩護正法者
阿難如是億那由他阿僧祇劫所習
无上大法寶藏為未來世諸善男子

善女人等寄付於汝及大迦葉弥勒等諸大菩薩汝等若能順我付囑彼未來世所有受化淨信佛子應以法寶而授與之何以故阿難有諸眾生是我往昔為菩薩時所成熟者以惡業故墮於地獄畜生餓鬼如是眾生如來滅後得出惡道生於人中所有諸根增長成熟故於我法中以少因緣能生敬信其中或有得出家者聞我所說諸修多羅當發勝行或於聲聞乘或於緣覺乘或於大乘而般涅槃阿難我為未來諸善男子善女人等付囑於汝我此百千億那由他阿僧祇劫所習無上大法寶藏今彼得聞何以故彼等眾生若不聞此真道正法當有退沒是故我今為彼未來善男子等付囑於汝大法寶藏若彼得聞則无有退以是因緣我復說阿難阿難辟如轉輪王廣開庫藏勅諸典臣諸丈夫汝當希施一切沙門婆羅門貧窮乞人及行路者隨其所須求食與食須飲與飲須乘與乘及以華鬘塗香末香衣服卧具清淨房舍活

命之具諸庫藏日得王勅已而不行施阿難於意云何是誰過也阿難言大德婆伽婆諸藏臣過非輪王也佛言阿難如是如是我是法王於億那由他阿僧祇劫廣集如是大法庫藏自覺悟已欲令增廣於天人中開示顯說乃至為汝所開示者為諸敬信沙門婆羅門一切凡夫求法義者悉令得聞是故阿難我今以此大法寶藏已廣開顯付囑於汝汝若不為淨信沙門婆羅門長者居士及諸凡夫樂法義者廣宣分別則於如來當有過失何以故阿難我為无上法轉輪王多有法寶功德庫藏多諸助道七覺法財十力無畏皆悉具足於諸法中而得自在故名法王汝持我此八万四千正法寶藏為諸淨信沙門婆羅門長者居士淨信凡夫諸法師等求法義者具足演說勿生分別莫作中間滅法人也是故阿難汝若以我億那由他阿僧祇劫所習阿耨多羅三藐三菩提無上法寶能為四眾而顯說者則於如來無諸過失若不說

者有大過也復次阿難若漏盡阿羅漢比丘證無為故不能為他分別顯說是人不益如來導師亦不護持我之正法是故我今付囑汝法何以故阿難辟如有入於大黑闇執持草炬還歸舍宅復有多人欲度黑闇其執炬者依此草炬得度黑闇到已舍宅到已除滅而不與他阿難於意云何是人既知草炬未盡及知大眾皆欲度闇自用此炬而不與他可名正作為好不也阿難言不也婆伽婆不也修伽陀佛言如是如是阿難若有比丘得阿羅漢果證無為法已亦知大眾度生死闇而不為他分別顯說我阿僧祇劫所習法寶令得增廣是人名利益導師不名攝受我之正法是故阿難我今以此億那由他阿僧祇劫所習法寶付囑於汝乃至堅持為他廣說勿令斷絕如是真道莫作末後滅法人也阿難若有比丘比丘居優婆塞優婆夷於此法寶自安住已必能為他分別顯說我此億那由他阿僧祇劫

大悲經卷第四 第三十 案字

所習法寶應付彼等當與其分是故阿難我此億那由他阿僧祇劫所習善法第二付囑為於未來諸眾生故勿令如是諸眾生等不得聽聞而有退失

復次阿難譬如豪貴巨富長者多諸庫藏摩尼真珠珊瑚珂貝資生所須皆悉具足時有怨家燒其庫藏如是長者復有諸怨及怨親友於長者所心常樂作不利益者有不樂彼得喜樂者有不樂彼得安隱者如是諸怨見其大火燒庫藏時捨之默住不滅此火而彼長者復有親善常欲憐愍利益心者欲令安隱者見其火已捨而默住不欲滅之阿難於意云何如是親友可名正發隨順理不阿難言不也婆伽婆不也修伽陀佛言阿難彼等親友見其大火焚燒庫藏捨而不救故復加增熾盡燒一切庫藏不耶阿難言如是婆伽婆如是修伽陀佛言如是如是阿難我於億那由他阿僧祇劫所習无上善根法寶壞滅之時有諸比丘心無敬信毀破淨戒

大悲經卷第四 第三十一 案字

習行惡法於歌舞處能為上首不樂離欲修行禪定心多散亂懈怠懶惰少於聞法不樂讀誦何能為他分別顯說令人得聞住持法寶

復次阿難譬如灌頂刹利大王唯有一子遠行不在其刹利王身遇重病既得病已以諸寶藏種種雜物持往寄付大臣長者作如是言若我子還汝當置立令紹王位以諸庫藏悉皆付之諸臣長者各各別受彼王所寄既受寄已王便命終王命終已其子行還即紹王位既登位已具得自在諸臣長者而不還彼寶藏財物作如是言善哉大王正法治化以此寶物賜與我等阿難於意云何其所受寄大臣長者於彼王所有過不耶阿難言如是婆伽婆如是修伽陀彼有過也佛言阿難其遠行者喻五道眾生病者喻佛欲入涅槃多寶藏者喻三十七助道善法大臣長者喻諸阿羅漢付寶物者喻我以此億那由他阿僧祇劫所習法寶付囑於汝乃至如是為彼未來諸弟子故阿難當來之世

大悲經卷第四 第三十二 案字

有諸眾生我於往昔所成熟者以惡業故生於地獄畜生餓鬼我滅度後於彼命終得生人中所有諸根增長成熟於我法中心生敬信有得出家者有在家者有得須陀洹者乃至有得阿羅漢者有於學地而命終者有於佛地發深信者有種人天諸善根者如是當得具足利益有得如是敬信心者作如是言彼世間父善付我等復得生於增上敬信阿難我為彼故以此法寶付囑於汝乃至令彼得聞如是法寶藏故是故阿難汝當以我大法寶藏令彼淨信諸善男子善女人等而得聞也阿難若不令彼而得聞者汝於如來則為有過何以故阿難彼善男子善女人等若聞如是大法寶藏或有得成殊勝之行或有得生大愛樂心或有聞時流淚毛豎阿難若復有人聞是法門念佛功德流淚毛豎者我記彼等以此善根皆得涅槃

大悲經卷第四

卍

大悲經卷第四

校勘記

- 一 底本，金藏廣勝寺本。
- 一 二一頁中三行末字「二」，**徑**、**清**作「二之一」。
- 一 二一頁中一四行第二字「如」，**資**、**磧**、**普**、**南**、**徑**、**清**作「而」。
- 一 二一頁中一四行「沉有」，**石**作「何沉」。
- 一 二二頁上二〇行「命終」，**石**作「失命」。
- 一 二二頁上二二行末字至末行首字「惠施」，**石**作「施惠」。
- 一 二二三頁下三行第六字「峻」，**資**、**磧**、**普**、**南**、**徑**、**清**作「崖」。
- 一 二二三頁下一八行第一二字「破」，**石**、**資**、**磧**、**普**、**南**、**徑**、**清**作「碎」。
- 一 二二四頁上一八行第二字「當」，**資**、**磧**、**普**、**南**、**徑**、**清**作「常」。
- 一 二二五頁上五行第九字「父」，**資**、**磧**、**普**、**南**、**徑**、**清**作「父母」。

- 一 二一五頁上一七行末字「加」，**磧**、**普**、**南**、**徑**、**清**作「如」。
- 一 二一五頁上一九行第二字「即」，**資**、**磧**、**普**、**南**、**徑**、**清**作「退」。
- 一 二一五頁下二行第六字「說」，**石**、**麗**作「滿」。
- 一 二一六頁上一四行首字「法」，**磧**、**普**、**南**作「去」。
- 一 二一六頁中一七行第一一字「彼」，**資**、**磧**、**普**作「後」。
- 一 二一六頁下五行第一〇字「令」，**麗**作「今」。
- 一 二一七頁上一三行「汝我」，**資**、**磧**、**普**、**南**、**徑**、**清**無。
- 一 二一七頁上二〇行第六字「當」，**石**作「常」。
- 一 二一七頁中一七行第七字「藏」，**石**作「聚」。
- 一 二一七頁下二二行第一一字「必」，**石**作「不」。
- 一 二一八頁上一六行第六字「正」，**資**、**磧**、**普**、**南**、**徑**、**清**作「正教」。

- 一 二一八頁中二行第一三字「懶」，**磧**、**南**作「懈」。
- 一 二一八頁下三行「諸根」，**資**、**磧**、**普**、**南**作「法深」。
- 一 二一八頁下七行「發深」，**資**、**磧**、**普**、**南**作「諸根」。
- 一 二一八頁下一八行「流淚」，**石**作「淚流」。

趙城縣廣勝寺



大悲經卷第五

實

高僧奎三藏那連提耶舍譯

殖善根品第十三

復次阿難若有比丘受持如是諸法門
 已有諸清信善男子善女人等樂聞
 法故有來聽者不為演說是人則為
 如來怨讎何以故是諸人等應為法
 器樂欲聞法不為說故彼不得聞以
 不聞故即便退失已之善根亦復退
 失他人善根所以者何是人不知應
 可為說不可為說阿難我以此義欲
 令明了故說譬喻猶如商人多賣寶
 貨至大曠野嶮難路中開諸寶貨布
 之在地喚諸群賊而告之言我此寶
 貨希有難得汝與我價我以此寶當
 賣與汝阿難時被群賊即於曠野執
 持刀杖打諸商人奪其眾寶向難於
 意云何是諸商人可於曠野布眾寶
 物喚諸群賊言買物不阿難白言是
 諸商人猶尚不應曠野嶮路開諸寶
 貨况喚群賊世尊如是商人應自牢
 藏眾珍寶物著鎧持仗以自防衛於

大悲經卷第五 第三張 第六

曠野處安隱而度此事應尔尔時世
 尊復告阿難復有商人亦持諸寶從
 遠方來到諸城邑王都聚落到已開
 諸寶物布之在地彼有好人來買寶
 物是諸商人方執刀仗共買寶者而
 共鬪戰阿難於意云何是諸商人得
 名黠不阿難白言不也婆伽婆不也
 修伽陀世尊是諸商人應作是言我
 此寶物希有難得汝與我價當賣與
 汝世尊是諸商人應當如是不應布
 諸寶已著鎧持仗共相禦逆佛言阿
 難有諸比丘受持流通諸法寶藏所
 謂修多羅祇夜伽陀毗耶迦羅那優
 陀那屈陀那阿波那伊帝毗利多迦
 闍多迦毗弗略阿浮陀達磨優波提
 舍而於彼等應為法器不為說故彼
 不得聞以不聞故信等樂欲善心不
 生以不生故不得種諸善根修殊勝
 行而般涅脛彼諸不應為法器者而
 為演說彼得聞已信等樂欲善心不
 生以不生故不得解脫是人便生非
 謗毀訾作諸罪業墮三惡道阿難猶
 如彼愚癡商人應開寶處而不為開

不應開處而便強開應可與處而不
 肯與不應與處而便強與阿難若有
 清信善男子善女人善心清淨樂欲
 聞法應為法器來聽法者應可為說
 而不為說不應為說而便強說是故
 阿難若有如是堪為法器深信樂欲
 求涅槃者應當為說若有不堪為法
 器者无信樂欲求其過失破戒惡行
 伺求他過為欲違反佛法眼不隨
 順故不應為說何以故勿令彼諸愚
 癡人等聞此法已生增上過是故阿
 難當如是學若有善男子善女人應
 為法器樂聞法者勤心為說諸有聽
 者亦復應當攝心專聽阿難彼若如
 是俱能廣生無量阿僧祇大功德聚
 阿難於意云何所有地界及眾生界
 何者為多阿難白言如我解佛所說
 義眾生界多非地界也佛言阿難如
 是如是如汝所說眾生界多非彼地
 界亦非水火等界阿難及餘三千大
 千世界所有眾生有可知者有不可
 知者有可見聞有不可見聞是等一
 切於一剎那一羅婆一摩睺多頃假使

俱時得作人身悉成男子於一剎那
 一羅婆一摩睺多頃皆悉得成緣覺
 菩提阿難乃至无量無邊諸世界中
 所有地土是諸地土邊際不可知如是
 地土悉作微塵彼諸微塵假使皆悉
 得作人身悉成男子彼作人已於一
 剎那一羅婆一摩睺多頃皆悉得成
 緣覺菩提阿難若復无量無邊諸世
 界中有須彌山鐵圍山大鐵圍山雪
 山香山及餘黑山乃至三千大千世
 界所有藥草樹木叢林悉為微塵有
 可知者不可知者有可見聞有不可
 見聞皆得人身悉成男子於一剎那
 一羅婆一摩睺多頃假使一時皆悉得
 成緣覺菩提阿難彼諸緣覺假使壽
 命從過去際盡未來際壽命住世不
 可得知彼眾生中惟有一人獨不得
 成緣覺菩提然彼一人為大長者亦
 從過去盡未來際於中住壽不可得
 知時彼長者亦隨住壽供養眾數諸
 辟支佛飲食衣服牀座卧具病瘦湯
 藥一切供身稱意樂具恭敬尊重謙
 下供養彼辟支佛若辟支佛般涅槃

後起七寶塔以諸天人寶幢幡蓋種
 種花鬘塗香末香及以燒香衣服歌
 音聲伎樂盡天人中取上供具恭敬
 尊重謙下供養阿難於意云何彼大
 長者得福多不阿難白言如我解佛
 所說義若能供養恭敬尊重一辟支
 佛所得福德尚多无量不可算數無
 等無限不可思議何況供養眾許辟
 支佛隨其住壽若滅度後恭敬尊重
 謙下供養眾時世尊復告阿難我今
 以實告汝彼辟支佛具足戒定慧解
 脫解脫知見聚受彼長者種種供養
 有一如來應正遍知出興於世不受
 長者衣服飲食牀座卧具病瘦湯藥
 亦不說法然彼長者但見如來應正
 遍知凡常威儀示現於世所得福德
 多於供養彼辟支佛具足戒定慧解
 脫解脫知見者百千億那由他倍不
 及長者見佛如來凡常威儀示現於
 世所得福德何以故以佛如來具足
 无量阿僧祇不可思議大功德故阿
 難諸佛如來但以威儀福德善根猶
 尚不能窮其邊際何況如來所有無

大悲經卷第五 第六張 寶字

量諸善功德阿難若於辟支佛所修行布施所得福德無量阿僧祇若於佛所修行布施所得福德亦復無量非无老別阿難辟如有人為求利故詣於他方彼得利已即便迴還阿難若施辟支佛所得福德比佛如來亦復如是阿難若復有人於諸佛所修行布施所得福德不可為譬何以故阿難若於佛所修行布施所得福德無量阿僧祇不可思議无等無匹无有邊際不可窮盡阿難若於佛所修行布施所得福德我當為汝而作譬喻諸有智者以喻得解阿難辟如畫師雖復精好其中猶有少許鄙拙不端嚴慶復有畫師所作端正轉更勝前是故阿難若於辟支佛所修行布施所得福德比於佛所修行布施所得福德亦復如是何以故阿難彼辟支佛以其智故得名辟支佛此辟支佛智皆從如來智慧而生諸佛如來一切種智轉更勝前是故阿難若於佛所乃至盡形衣服飲食牀座卧具病瘦

大悲經卷第五 第七張 寶字

湯藥恭敬尊重謙下供養所得福德寧為多不阿難自言如是婆伽婆如是修伽陀若於佛所乃至盡形恭敬供養所得福德甚多无量世尊若於佛所乃至發心一生敬信所得福德尚多無量不可思議不可算數何况有人於如來所乃至盡形恭敬尊重謙下供養作是語已佛告阿難且置供養一佛如來以一切樂具乃至盡形而供養者且置供養二三四五乃至十佛若二十三十乃至百佛千佛百千佛億佛百億佛千億佛百千億佛億那由他百億那由他千億那由他百千億那由他乃至遍滿閻浮提如來應正遍知盡四天下千世界二千世界三千大千世界其中百億日月百億須彌山百億鐵圍山百億大海百億閻浮提百億鬱單越百億弗婆提百億瞿陀尼八万洲渚并諸眷屬百億四天下百億四天王天百億三十三天百億須夜摩天百億兜率陀天百億化樂天百億他化自在天百億梵天乃至阿迦膩吒天此名三

大悲經卷第五 第八張 寶字

大千世界彼悉滿中諸佛如來應正遍知辟如甘蔗若竹若篔簹若佉陀利林若迦賒林彼諸如來壽命長遠如恒河沙劫時有長者壽命住世亦復如是乃至盡形衣服飲食牀座卧具病瘦湯藥恭敬尊重謙下供養彼諸如來若佛滅後起七寶塔以天幢幡諸妙寶蓋種種香華塗香末香一切花鬘諸妙蓮花優波羅花拘牟頭花芬陀利花一切歌舞種種音樂以如是等一切樂具恭敬尊重謙下供養阿難於意云何彼大長者所得福德寧為多不阿難自言如是婆伽婆如是修伽陀彼大長者於一如來以諸餽餼飲食供養所得福德尚多無量不可算數何况如是於諸佛所住恒河沙劫而設供具恭敬尊重謙下供養彼佛滅後起七寶塔種種供養所得福德不可為譬作是語已佛告何難我今以實告汝若彼長者於諸佛所隨其壽命恭敬尊重謙下供養彼佛滅後起七寶塔以諸勝妙種種供養所得福德阿難若有善男子善女

人於諸如來分別演說菩提道時信
解樂欲具足深信法是善說僧是發
心善修行者信解諸行一切無常一
切苦一切空一切法无我寂滅涅槃
阿難以此信解所得福德轉復勝前
阿難若復有人信解如是諸法寶藏
轉為他說所得福德如是廣大如是
無量如是阿僧祇如是不可思議如
是无等如是無限何以故阿難如是
法寶无上法藏初中後善若有修行
如是布施所得功德比此法藏猶如
草芥應如是知何以故阿難如是布
施世間有漏是生死法阿難我此無
量阿僧祇億那由他劫所集法藏漸
除生死離諸雜食流轉故有阿難若
有衆生聞此法藏從此生法而得解
脫乃至老死憂悲苦惱法而得解脫
阿難我觀此義故作是說有二種人
得大福德一者勲心為說二者至心
專聽作是語已慧命阿難白佛言世
尊若有善男子善女人深信具足如
實修行分別諸法信解樂欲法是善
說僧是發心善修行者信解一切諸

行无常若苦若空一切法無我寂滅
涅槃如是善思深正念者得幾許福
佛言阿難若復有人但知法是善說
僧是發心善修行者如是善男子善
女人深正思惟攝心專聽得聞法已
乃至一彈指頃深正思惟法是善說
僧是發心善修行者是人於彼所得
福德无量無邊何況善男子善女人
深正思惟攝心專聽聞法已乃至
一彈指頃如實修行解知諸行一切
无常一切苦一切空諸法无我寂滅
涅槃阿難若於無量无边諸世界中
所有一切諸衆生界於一剎那一羅婆
一摩睺多頃假使一時俱得人身彼
得人已於一剎那一羅婆一摩睺多
頃假使一時於阿耨多羅三藐三菩
提成等正覺彼諸如來假使壽命從
過去際不可得知於未來際亦復如
是阿難假使是等諸衆生中惟有一人
於阿耨多羅三藐三菩提不成正覺
然彼一人為大長者亦隨壽命從過
去際不可得知於未來際亦復如是
今時長者乃至盡形恭敬尊重讚下

供養彼諸如來以諸樂具衣服飲食
牀座卧具病瘦湯藥而以供養彼諸
如來入涅槃後起七寶塔起寶塔已
寶幢幡蓋一切花鬘塗香末香盡世
所有恭敬尊重讚下供養阿難於意
云何時彼長者所得福德寧為多不
阿難白言若彼長者恭敬尊重讚下
供養一佛如來所得福德甚多无量
不可算數不可思議無等无限何況
如是於諸佛所隨其壽命恭敬尊重
讚下供養所得福德不可思量佛言
阿難如是如是如汝所說如是長者
所得福德不可思議是故阿難我今
以實告汝若彼長者於諸佛所隨其
壽命恭敬尊重讚下供養所得福德
若復有人深正思惟攝心專聽得聞
法已乃至一彈指頃信解樂欲法是
善說僧是發心善修行者信解諸行
一切无常一切苦一切空諸法無我寂
滅涅槃所得福德不可辭類所能知
也阿難如我先說有二種人得福甚
多一者至心為說二者專心勤聽今
時世尊說是偈言

大悲經卷第五 第七張 廣學字

為於二種義 應聽佛所說 一切漏行盡 近聖成菩提 若有說法者 及聽佛正法 二俱得福多 能建諸仙幢

余時世尊復告阿難有二種人共魔波旬極大戰爭何者為二一者至心為說二者專心勤聽何以故阿難如是梵行得滿足者謂善知識及善等侶善心流注何以故阿難若有眾生遇善知識遇知識已從生得解脫乃至老病死憂悲苦惱法而得解脫阿難此事我昔告諸聲聞有二因緣能生正見一者從他聞法二者內正思惟從他聞者當知從佛所聞內正思惟者亦從佛知何以故阿難如諸凡夫佛未出時自無內正思惟佛出世已教諸凡夫作如是事阿難我觀是義故作是說內正思惟亦從佛生介時世尊說是偈言
善哉妙丈夫 得見增諸智 若有漸疑者 今凡得明慧 見聖者得樂 共居亦得樂 不見諸凡愚 如常有樂者
是故阿難我為是義隨宜演說梵行 滿足者諸善知識及善等侶能生善

大悲經卷第五第十三張 廣學字

心相續流注何以故阿難若有眾生遇善知識得生善心生善心已心則得信心得信已所作皆善所作善已則得善法得善法已安住善法住善法已於佛世尊深得珍重於法僧所亦深敬重當得聖所愛戒自在戒智所讚戒趣涅槃戒阿難如雲降雨小坑滿小坑滿已大坑滿大坑滿已小河滿小河滿已大河滿大河滿已大海滿如是阿難若有善男子善女人於諸佛所聞佛說已得善根力得善根已近善知識近善知識已得善等侶得善等侶已得善流注得善流注已得軍勝善得軍勝善已得善心得善心已乃至如法順法發心修行究竟轉究竟无垢究竟梵行究竟軍後阿難汝觀如是一切外物同時生長花果成時無有違失何況汝等所作善行豈有違失若有違失无有是處是故阿難汝等應當修行善行无有眾生修行善行而不得果有違失者阿難我亦曾修一切善行無有違失阿難我本修行善行時所修一切諸

大悲經卷第五 第十四張 廣學字

善功德所得果報無有違失阿難汝觀如來所得道路於彼所有丘陵坑坎高下平正屏廁晷處清淨香潔株机荆棘叢林藜草穢惡隱沒善好伍首樹神現身傾側禮拜城邑巷路所有眾生見佛如來隨佛而行如來過後各還如故阿難汝觀如來於過去世諸佛菩薩善知識所聲聞緣覺師僧父母者年長宿沙門婆羅門傾倒稽首獲得如是軍勝果報一切外物見諸佛已應伍首者即便伍首高者令下下者令高高下諸處皆悉平正阿難汝觀一切愚癡凡夫於諸尊長不修恭敬亦不禮拜憍慢自恃為傷所害為傷所纏阿難汝觀如來網縷手足一切皆以善行所得阿難汝觀如來本修善行布施愛語利行同事以此善行攝護眾生不作分別此是我父此是我母兄弟姊妹親戚善友阿難我於眾生一味平等心无老別阿難我於久遠無有眾生而不攝受布施愛語利行同事如是攝護愚癡凡夫然彼不知以已善根福德因緣

生死本際受諸果報阿難我於衆生
與其善根所得福樂多於自身修諸
善業所得果報阿難一切世間所有
樂具皆悉无常是變易法如此樂具
是无常故我本修行菩薩行時為諸
凡愚成熟佛道令得无為聖無漏樂
是无漏樂常不變易更不敗壞是故
阿難如是聖智當修諸業如是聖智
修諸業者是名正業如是阿難我本
亦曾以此聖智修諸善業阿難我亦
更說諸餘善行若有衆生為淫腺故
乃至發心作少善根種諸種子聞佛
如來說諸妙法深解義趣憶念如來
心生愛敬有拔淚者長歎者毛豎者
若墮地獄畜生餓鬼无有是處若於
菩提不得究竟亦無是處阿難復有
衆生憶念如來於法覺悟有流淚者
毛豎者歎息者阿難莫作異觀彼諸
衆生墮於惡道地獄畜生餓鬼中者
无有是處是故阿難汝莫放逸應勤
方便修諸善業阿難諸佛世尊以不
放逸得證菩提及助道法亦以不放
逸故得阿難若有如是善受教者求

利益者求安樂者求憐愍者起悲愍
心應如是作所應作者我已作竟汝
等今者亦應當作勿令如是真道斷
絕又復勿令佛法眼而有隱沒阿
難汝應如是令佛法眼使得久住各
於人天廣行流布阿難我今以是正
法寶藏付囑於汝勿令毀滅應如是
作是我教法

大悲經教品第十四

尔時慧命阿難白佛言世尊我今云
何修行法眼若我修行佛正法眼云
何久住於諸天人廣行流布世尊我
復云何結集法眼云何顯說作是語
已佛告阿難我滅度後有諸大德諸
比丘衆集法毗丘時彼大德摩訶迦
葉竄為上首阿難時彼大德諸比丘
衆當如是問世尊何處說大阿波陀
那何處說摩訶尼陀那何處說大集
法何處說五三法何處說天來問何
處天帝釋問何處諸天來下何處說
梵網經如是次第彼諸比丘復當問
汝阿難佛在何處說修多羅何處說
祇夜何處說毗耶迦羅那何處說如

陀何處說憂陀那何處說尼陀那何
處說伊帝毗利多迦何處說闍多迦
何處說毗弗略何處說阿波陀那何
處說阿浮陀達磨何處說憂波提舍
阿難佛在何處說聲聞藏佛在何處
說緣覺藏佛在何處說菩薩藏阿難
時彼比丘如是問已汝應如是答如
是我聞一時佛在摩伽陀國菩提樹
下初成正覺如是我聞一時佛在伽
耶城如是我聞一時佛在摩伽陀國
阿闍波羅尼拘陀樹下修苦行處如
是我聞一時佛在波羅捺仙人住處
鹿野苑中如是我聞一時佛在耆闍
崛山如是我聞一時佛在毗富羅山
如是我聞一時佛在摩伽陀國鞞提
訶山如是我聞一時佛在王舍城仙人
山中大黑方石如是我聞一時佛在
舍衛國祇樹給孤獨園如是我聞一
時佛在毗舍離城菴羅樹園如是我
聞一時佛在毗舍離城池邊大林
精舍重閣講堂如是我聞一時佛在
瞻波城竭伽池邊如是我聞一時佛
在伽耶城伽耶山頂如是我聞一時

大悲經卷第五 第十八

佛在拘睢彌國瞿師羅園如是我聞
 一時佛在娑呾多城阿踰闍園迦羅
 迦林如是我聞一時佛在釋種住處
 迦毗羅城丘拘陀園如是我聞一時
 佛在波離弗城鳩吒園如是我聞
 一時佛在摩偷羅城頻陀林中如是
 我聞一時佛在拘尸那城力士生地
 阿利羅跋提河邊娑羅雙樹間阿難
 以如是次第在在處處佛所說法在
 在處處大衆所集隨其時節隨其句
 義隨其因緣隨其問答發起因緣隨
 所為人隨所為事為欲分別顯其智
 故隨其名味句義次第種種演說隨
 彼由緒有因有緣善義善味廣為人
 說佛說經已一切大衆皆大歡喜頂
 戴奉行阿難汝應如是結集法眼如
 是分別種種顯說如來應供正遍知
 說如是語如是我聞一時已大地極
 惡六種震動甚大可畏令人毛豎當
 於今時此三千大千世界六種震動
 現十八相東踊西沒西踊東沒南踊
 北沒北踊南沒中踊邊沒邊踊中沒
 十八相者動遍動等遍動踊遍踊等

大悲經卷第五 第十九

遍踊震遍震等遍震吼遍吼等遍吼
 起遍起等遍起覺遍覺等遍覺當於
 今時无量天龍夜叉乾闥婆阿修羅
 迦樓羅緊那羅摩睺羅伽釋梵護世
 人非人等悲啼流淚作如是言婆伽
 婆涅槃太速修伽陀涅槃太速世間
 眼目隱沒太速世間盲冥无目太速
 慧命阿難悲啼流淚亦作是言婆伽
 婆涅槃太速修伽陀涅槃太速世間
 眼目隱沒太速世間盲冥无目太速
 世間導師隱沒太速今時世尊復告
 阿難汝莫憂悲一切有為生法有法
 分別法覺知法因緣生法滅壞法若
 不壞者无有是處阿難汝於長夜以
 身口意慈孝如來无量安樂心無有
 二无瞋無恨无有怨嫌阿難汝以如
 是當得大神通大功德廣大無量猶
 如甘露第一甘露盡甘露際是故阿
 難汝於梵行亦復應當以身口意恭
 敬供養亦當如我應如是學何以故
 阿難我滅度後於未來世法欲盡時
 最後五百年持戒明黨正法明黨將
 欲盡滅破或非法明黨熾盛誹謗正

大悲經卷第五 第二十

法壽命短促衆生壞時法滅壞時比
 丘僧壞時阿難當於今時驚畏恐懼
 有諸比丘不修身不修心不修戒不
 修慧彼等不修身戒心慧者貪著六
 夏何等為六一者貪著鉢二者貪著
 衣三者貪著食四者貪著牀座五者
 貪著房舍六者病瘦因緣貪著湯藥
 彼等貪求勝妙衣鉢乃至上好衆味
 藥故更共鬪諍迭相言訟上至官司
 口如刀劍互相誹謗迭共憎嫉如是
 為彼衣鉢飲食牀座房舍湯藥因緣
 共相憎嫉心不純熟濁心相向是故
 阿難汝於梵行身口意慈當好供給
 具足供養於諸梵行若見若聞若觀
 若觸若信若行當於彼所莫起惱亂應如是
 學何以故阿難當於今時極大怖畏
 命濁劫濁衆生濁見濁煩惱濁俗人
 亦時極受諸苦為苦所中為苦所惱
 為極飢饉為極病疫為賊所惱亢旱
 水災為諸蟲毒種種惱觸阿難時彼
 婆羅門長者居士雖復如是為苦所
 惱為苦所切猶有淨信恭敬尊重於
 佛法僧數數得生具足深信彼以信

佛法僧因緣於一比丘亦生深信修行布施作諸功德受持禁戒讀誦受持為人解說有聽受者得聞法已心生愛敬歡喜踊悅如法修行種諸善根以此善根身壞命終得生善道諸天人中阿難汝觀如是諸惡比丘當以信心捨家出家得出家已貪著衣鉢六種因緣墮三惡道在家俗人為苦所惱尚生敬信以信善根得生善道是故阿難應正身律儀口律儀意律儀當作是念願我敬信速得具足願我深心正直具足願我身心具善思惟何以故阿難身口意業不善思惟有五種過何者為五一者妄語二者兩舌三者綺語四者貪欲五者身壞命終墮三惡道生地獄中阿難善思惟者當得五種功德利益何者為五一者不妄語二者不兩舌三者不綺語四者不貪欲五者身壞命終得生善道諸天人中復次阿難若人聞靜毀世言訟違覺相對心不調柔濁心變壞者有五過失一者妄語二者兩舌三者於諸持戒不生敬信四者

晝夜憂者惡意而住五者身壞命終墮三惡道生地獄中阿難若復有人心任慈善當得十一種功德利益何者十一者睡眠得安隱悟則心歡喜二者不見惡夢三者人非人愛四者諸天擁護五者毒不能害六者刀箭不傷七者人所不燒八者水所不溺九者常得好衣餽餼飲食牀座卧具病瘦湯藥十者得上人法十一者身壞命終得生梵天阿難心住慈善得此十一功德利益是故阿難若我現在及滅度後自然法燈自作法歸莫求他燈莫求他歸阿難云何比丘自然法燈自作法歸不求他燈不求他歸阿難若有比丘觀內身循身觀勤精進繫念一心除世貪憂如是觀內身循身觀觀內受內心內法勤精進繫念一心除世貪憂阿難是為比丘自然法燈自作法歸不求他燈不求他歸是故阿難我為導師於諸聲聞所應作者我已作竟汝等今者應如是作此是我之教法當於阿蘭若處在閒樹下空舍露地應當一心勤

修止觀思滅苦本慎莫放逸汝若放逸後必憂悔今時世尊說是偈言我已說正道拔諸无智箭汝今應勤修諸佛所說法為淨諸見故除此更无道修者得解脫能斷諸魔縛若能修此行如佛之所說能度一切苦得滿諸佛願亦時世尊說是經已慧命阿難及諸比丘諸來大眾及諸天人阿修羅闍婆一切世間聞佛說已隨順悲喜舉手拍頭推曾號可悲啼淚頂戴奉行

大悲經卷第五

大悲經卷第五

校勘記

一 底本，金藏廣勝寺本。

一 二二〇頁中三行品名，**石**、**資**、**碩**、

普、**南**作「以諸譬喻付囑正法品之餘」；**徑**、**清**作「以諸譬喻付囑正法品之二」。

一 二二〇頁中末行第三字「珍」，**南**作「諸」。

一 二二〇頁下一四行第七字「波」，

資、**碩**、**普**、**南**、**徑**、**清**作「波陀」。

一 二二〇頁下一五行第五字「弗」，

碩、**普**、**南**、**徑**、**清**作「佛」，下同。

一 二二〇頁下一五行第一一字「磨」，

資、**碩**、**普**、**南**、**徑**、**清**作「摩」，下同。

一 二二一頁上末行第一一字「曠」，

資、**碩**、**普**、**南**、**徑**、**清**作「侯」。

一 二二二頁上一五行「雖復」，諸本

作「畫雖」。

一 二二二頁中六行末字「况」，諸本作「况」。

一 二二二頁下二行第一一字「箴」，

資、**碩**、**普**、**南**、**徑**、**清**作「箴」。

一 二二二頁下一九行末字「何」，諸本作「阿」。

一 二二三頁上三行「一切」，**石**無。

一 二二三頁中九行第九字「聽」，**資**、

碩、**普**、**南**、**徑**、**清**作「得」。

一 二二四頁上一行第一四字「行」，

石作「德」，**資**、**碩**、**普**、**南**、**徑**、**清**作「得」。

一 二二四頁上末行第四字「諸」，**資**、

碩、**普**、**南**、**徑**、**清**作「謂」。

一 二二四頁下四行「藪林藪草」，**石**

作「林藪草木」。

一 二二四頁下九行末字「倒」，諸本

作「側」。

一 二二五頁中二行首字「心」，**碩**、

普、**南**、**徑**、**清**作「者」。

一 二二五頁中九行品名，**石**、**資**、**碩**、

普、**南**作「大悲經問教品第十三」；

徑、**清**作「問教品第十三」。

一 二二五頁下，一二行第一〇字「捺」，

資、**碩**、**普**、**南**、**徑**、**清**作「奈」。

一 二二六頁上二行「婆枳多」，**資**、

碩、**普**、**南**、**徑**、**清**作「婆枳多」。

一 二二六頁上二行第一二字「園」，

石作「國」。

一 二二六頁上二一行第六字「踊」，

資、**碩**、**普**、**南**、**徑**、**清**作「涌」，下同。

一 二二六頁下九行第七字「迭」，**資**、

碩、**普**、**南**、**徑**、**清**作「遞」，下同。

一 二二六頁下一五行「信若行」，**資**、

碩、**普**、**南**、**徑**、**清**無。

一 二二七頁上一行第六字「於」，**資**、

碩、**普**、**南**、**徑**、**清**無。

一 二二七頁中一七行第六至七字「觀

內」，**資**、**碩**、**普**、**南**、**徑**、**清**作「內受」。

一 二二七頁下五行第六字「能」，**資**、

碩、**普**、**南**、**徑**、**清**作「永」。